

Segun minister di Enseñansa Gerlien Croes DPS no tin un formatieplan aproba



Pagina 2

- **Awe mainta hues ta dicta sentencia den caso di expropiacion contra Benny Sevinger**

Pagina 6

- **Autoridadnan di ley ta uni forsa den War Room**

Pagina 6

- **Corsou y Sint Maarten: Florin Caribense awor oficialmente den circulacion**

Pagina 8

Cifranan di negoshi ta confirma un
economia fuertemente orienta riba
servicio



Pagina 3

Polis di Kenya na Haiti ta sufri
mas perdida den choke cu gang



Pagina 11

Un Europa
cuidadoso
ta warda
pa Rubio
cu futuro di
NATO riba
liña



Pagina 24

Segun minister di Enseñansa Gerlien Croes DPS no tin un formatieplan aproba

Diabierna ultimo Parlamento di Aruba a trata, y aproba di forma unanime, presupuesto nacional 2025. Minister di Relacionnan di Reino, Educacion, Hubentud, Innovacion y Deporte, a contesta algun pregunta relacion cu e cartera di enseñansa.

Prome cu minister Croes a contesta pregunta cu el a ricibi di miembro di fraccion AVP, Otami Tomasía, el a remarca cu huramentacion di Gabinete AVP-FUTURO un etapa nobo a cuminsa pa Aruba. “Nos ta masha contento cu nos tin e oportunidad awe pa nos por presenta, den un forma asina acelera despues cu a huramenta awe mainta, tanto e pensamiento y ideanan di locual nos a bin ta papia di dje caba como Gabinete entrante,” el a indica.

E mandatario a menciona cu durante e reunion el a scucha diferente pregunta, pensamiento y ideanan cu a bin dilanti cu ta haci cu e ta cuestiona dicon esakinan no a pasa caba. “Pero manera nos ta bisa nos mester keda cu e inspiracion y positivismo y e gabinete aki t’ey awe pa ehecuta tur loke cu no a ser ehecuta den e ultimo añanan,” el a agrega.

Bisando esaki, el a indica cu, cu e liña cu e gabinete aki ta carga di inverti den comunidad, di duna back na comunidad, pero tambe alabes inverti den e formacion di e hendenan cu ta e personanan cu mester carga e desaroyo



di e pais aki no solamente economicamente pero den tur sentido, ta e liña cu nan ta presenta na comunidad di Aruba.

Minister Croes a tuma e oportunidad pa duna informacion y a splica cu prome cu e gabinete nobo a haci su entrada, e preparacion pa e trabou tabata tuma lugha pa hopi tempo caba. El a sigui splica cu e puntonan cu por wak den e plan di gobernacion ta puntonan cu a ser carga pa hopi tempo caba, y ta cosnan cu como gobierno nobo nan ta reconoce. “Pa e motibo ey nos ta presente awe, pa e motibo ey dia 6 di december pueblo di Aruba a vota diferente pasobra nan kier wak cosnan diferente pasa,” el a remarca.

E mandatario a indica cu den

e cartera di educacion y deporte tin hopi necesidad y tabatin un fase transitorio. El a recorda, manera cu tur hende sa, e ultimo minister cu a carga e cartera aki e ultimo lunanan no tabata minister mas. El a enfatisa cu tin hopi pa atende cune den e area aki, y tin hopi necesidad, den e area aki, cual e referi na dje como e cuna di e pais.

“Akinan nos ta inverti y crea e ciudadanonan di e pais aki, aki nos hoben y muchanan cu tin cu carga e futuro di Aruba ta en espera di sa kico nos ta bay inverti den nan pa nan por biba tambe den e futuro cu Aruba ya caba ta bibando aden. Mundo ta desaroya di un forma asina acelera. Nos como isla manera cu nos ta bende nos mes, turistico, innovativo, no por keda atras pa forma nos hendenan debido

pa yuda nos carga e pais aki,” el a subraya.

Bisando esey, el señala, cu esnan cu ta yuda carga e veld aki tambe tin un necesidad inmenso y debidamente a haya pregunta ariba locual ta e tema salarial di e docentenan na Aruba.

Minister Croes a splica cu pa hopi aña discusionnan a ser hiba y cierto momento den añanan atras te cu 2017, el a menciona, ainda tabatin proposicion riba mesa pa loka ta ‘functiehuis’ y despues pa un tempo largo no tabatin mucho mas cu a ser dialoga riba e topico aki

E mandatario a indica cu prome cu a ricibi e overdracht for di e minister saliente, hunto cu Sr. Eman, den capacidad di formador a sinta cu gran parti di e veld di educacion y a base di esey a bin ta prepara caba, cu ta haci cu aworaki ta yega e momento pa sinta y cuminsa ehecuta.

El a surgi splica cu a base di eseynan a ricibi documentonan na unda nan tabata informa riba rondanan consultativo cu tabatin, y conseho y rapportnan cu a ser manda pa DRH riba un pensamiento y proposicion pa cambio salarial pa nos docentenan na Aruba.

El a indica cu tin un adviescomisie, ‘restructuracion salarial di maestronan’, cu a prepara un conseho, cual a bay DRH, pero ainda no tabatin un contesta riba esaki.

El a enfatisa cu un punto di accion importante pa su persona na e momento aki ta wak kico ta e situacion riba e

consehonan pidi riba e advies aki cu ta trece cuater opcion di idea y pensamiento di con por compensa e docentenan na Aruba cu pa años ta biba cu un estructura salarial cu nunca a ser cambia.

“Mi ta kere den aña 2025 unda cu inversion den nos hendenan ta cardinal pa e pais aki keda opera, no por ta asina cu nos ta descarta e importancia di inverti den e parti mas importante na Aruba, cu ta crea e hendenan cu mester carga e pais aki. Cada cambio, cada pensamiento ta exige di nos como dirigente di e pais aki pa tambe tin un apoyo pa tambe esnan cu ta bay ser afecta positivamente cu un cambio asina tambe tin su pensamiento cu ta ser scucha,” el a enfatisa.

Minister Croes tambe a ricibi pregunta riba locual ta Dienst Publieke Scholen (DPS) cu tin necesidadnan grandi pa loka ta trata personal. El a indica cu e departamento aki no tin ningun formatieplan mes aproba, locual ta haci cu gobierno mester bay cana e trayecto pa esaki.

“Locual cu ta bo dienst di mas importante cu mester carga locual ta e direccion di tur bo scolnan publico na Aruba no tin hende pa traha, no tin un formatieplan, no tin lo necesario ni e mision ni vision pa yuda y asisti, cual ta e dienst di mas importante, e motor cu tin cu sostene e minister e momento aki no ta funcionando, bo ta haya automaticamente cu no tin desaroyo positivo den e veld manera mester ta.

El a remarca cu mester traha di biaha riba crea un formatieplan, aproba esaki y busca tambe esnan cu por yena e vacaturanan na DPS, pero prome cu tur esaki, el a subraya, mester defini e rol, e mision y vision cu cada departamento mester carga pa optimalisa con e arcanan aki ta funciona.

“Nos no por yega hisa benta y tuma decision y despues nos ta wak si e ta funciona si of no. Nos tin cu cuminsa traha structuralmente pa Aruba riba tur area. Nos tin cu empodera departamentonan cu ta cay bou di e ministerio aki y nos tin cu cuminsa wak desaroyo pa cu esaki,” el a menciona.



Cifranan di negoshi ta confirma un economia fuertemente orienta riba servicio

Recientemente, Oficina Central di Estadistica a publica su Statistical Overview of Aruba, cu ta duna datonan relevante tocante diferente sector di nos comunidad. Pa e sector di Negoshi, e datonan di CBS ta cubri e periodo di 2015 pa 2021.

Den e sector di Negoshi, CBS a nota cu e cantidad di compania registra cerca Banco di Seguro Social (Svb), es decir, cu tin un of mas empleado te cu fin di aña a baha di 3.782 na 2020, pa 3.743 na 2021. Ademas, e cantidad di empleado registra tabata 46.362 te cu fin di 2021, di cual 41 por ciento tabata emplea den industria di "Actividad di Acomodacion y i Servicio di Cuminda," y "Wholesale & Retail." Industrianan di "Real Estate," "Actividad profesional, cientifico y tecnico," y e "Actividad administrativo y servicio di sosten" a duna trabao na 15 por ciento di e cantidad total di empleado registra. E ultimo industria aki ta inclui companianan di manpower temporal, di cual e empleadonan ta activo den varios otro industria.

Tendencia di salario mensual averahe na Aruba

Entre 2015 y 2021, e salario mensual averahe den tur actividad economico na Aruba a muestra fluctuacionnan modesto, cu un tendencia general di aumento pa fin di e periodo. Por ehemplo, na 2015 e salario mensual averahe tabata Afl. 3.504. Esaki a aumenta levemente na 2016 na Afl. 3.511, prome cu baha na Afl. 3.451 na 2017 y Afl. 3.441 na 2018. Un recuperacion notable a sucede na 2019, cu e averahe aumentando na Afl. 3.641, e nivel mas halto observa den e periodo aki.

Sinembargo, na 2020 salario a baha na Afl. 3.497, probablemente reflehando e impacto economico di pandemia di Covid-19. Pa 2021, e salario averahe a recupera un tiki, na Afl. 3.586, marcando un aumento YOY di 2.5 por ciento. A pesar di e volatilidad, specialmente rond di 2020, e datonan ta muestra cu economia di Aruba a logra mantene nivelnan relativamente stabiel di salario durante añanan, cabando 2021 cu un salario averahe 2.3 por ciento mas halto cu na 2015.

Desigualdad di salario y

tendencia pa sector

E salario mensual medio na Aruba den tur sector a registra un aumento modesto di Afl. 2.560 na 2015 pa Afl. 2.734 na 2021, reflehando un aumento di 3.2 por ciento durante e periodo di siete aña.

Sinembargo, datonan specifico pa cada sector ta revela desigualdad di salario y patronchinan cambiando durante añanan. E sectornan miho paga ta electricidad, gas, vapor y suministro di aircro, consistentemente registrando e salario medio mas halto, aumentando di Afl. 5.807 (2015) pa Afl. 6.331 (2021) – un aumento di 9 por ciento. Esaki a registra un peak na 2020, di Afl. 6.366. Suministro di awa, riooler-ing, y maneho di desperdicio a sigui di cerca, aumentando di Afl. 5.438 na 2015 pa Afl. 5.896 na 2021. Educacion, antes e sector miho paga na 2015 (Afl. 5.218) a keda stanca te cu 2021 (Afl. 2.992), indicando un reduccion relativo den competitividad. Entre e sectornan cu pago mas abao, actividadnan administrativo y servicio di sosten a keda e sector pio paga durante e periodo, cu salario aumentando apenas un tiki, di Afl. 1.921 (2015) pa Afl. 1.950 (2021).

Otro actividadnan di servicio tambe a keda te abao, cu un aumento menor di Afl. 2.050 pa Afl. 1.993, sugeriendo stagnacion. Entre e sectornan cu crecimiento notable, transporte y almacenahe a muestra crecimiento notable di salario, di Afl. 2.700 pa Afl. 3.000 na 2021 – un aumento di 11 por ciento. Actividadnan di acomodacion y servicio di cuminda, un industria clave na Aruba, a mehora di Afl. 2.434 pa Afl. 2.522, maske a keda bao di e medio nacional. Actividadnan di salud y trabao social a aumenta di Afl. 4.125 (2015) pa Afl. 4.279 (2021).

Salario pa administracion publico y seguridad social a keda relativamente plat, subiendo y bahando di Afl. 4.200-4.300, clausurando na 2021 na Afl. 4.337. Salario den arte, entretenimento y recreacion tabata volatil, pero a mehora di Afl. 2.803 na 2015 pa Afl. 2.787 na 2021, mustrand un recuperacion post-pandemia despues di un dip na 2020 (Afl. 2.102.)

Tendencia di empleo segun sector economico

Durante e periodo di siete aña, mercado laboral di Aruba a experimenta cambionan significante, particularmente entre 2019 y 2021 – influencia pa pandemia di Covid. E datonan di Banco di Seguro Social (Svb) ta duna un bista riba cua sector a crece, contrae of muestra resiliencia. En general, na 2015 tabatin 46.605 empleado registra cu Svb. Empleo a peak na 2018, cu 55.895, y despues a registra un caida skerpi na 45.978 na 2020 durante pandemia. Pa 2021, empleo a recupera un poco na 46.361, ainda 9.500 trabao menos cu e peak na 2018. Sector di bienes a keda relativamente stabiel, variando di 4.597 (2015) pa 4.794 (2021). Manufactura a keda stabiel, cu 1.151 empleado na 2021 – un reudccion leve for di 1.177 na 2015. Construcccion a recupera na 2021 pa 2.897, recuperando di un caida na 2020. Sectornan di electricidad, gas y awa (utilities) a mantene tamaño chikito pero consistente di forza laboral.

Un dato clave ta cu e industrianan di produccion di bienes tabata mas resiliente pa contraccionnan relaciona cu Covid-19. Sector di servicio tabata duna trabao na e gran mayoria di forza laboral di Aruba, cu 42.008 trahador na 2015, cu un peak di 50.047 na 2018 y bahando na 41.567 na 2021. Actividadnan di acomodacion y servicio di cuminda tabata e dunado di trabao singular mas grandi, cu 11.577 empleado na 2021, a pesar di perde mas cu 1.400 trabao entre 2019 y 2021. Industria di wholesale y retail tambe a mira un caida for di 8.398 na 2019 pa 7.230 na 2021. Administracion publico y educacion a keda stabiel of a aumenta levemente, indicando estabilidad di trabao den sector publico. E sectornan di hospitalidad y retail tabata esunnan mas afecta durante pandemia, alineando cu ciere di frontera y reduccion

den turismo.

E perdidanan mas grandi (2019-2021) tabata: Acomodacion y cuminda: di 13.060 pa 11.577 empleado.; Retail: di 8.398 pa 7.230 empleado; Administracion y sosten: di 5.832 pa 4.497 empleado; Sectornan cu a keda stabiel of a aumenta tabata: Educacion: a mantene mas cu 2.400 empleado; Salud y trabao social: a aumenta di 2.378 (2015) pa 2.862 (2021).

Companianan registra pa cada sector

E cantidad di compania registra na Aruba a aumenta di manera stabiel, di 3.130 na 2015 na un peak di 3.782 na 2020, prome cu un caida leve na 3.743 na 2021. E aumento aki ta indica un ambiente empresarial resiliente y den expansion, a pesar di impacto di pandemia den cierto sector. E cantidad total di compania registra, na 2015 tabata 3.130. Pa 2020, tabatin 3.782 compania, un aumento di 21 por ciento den 5 aña. Na 2021, a mira un caida leve na 3.743, mustrand contraccion minimo.

E sectornan cu a crece mas lihe tabata acomodacion y cuminda, di 823 (215) pa 890 (2019), despues kedando stabiel te 2021, reflehando actividad empresarial halto den hospitalidad. Wholesale y retail a aumenta di 275 (2015) pa 430 (2020) – un crecimiento di 56%, despues a baha na 378 na 2021. Servicio profesional, cientifico y tecnico, a pasa di 256 na 2015 pa 264 na 2020, un crecimiento modesto pero stabiel. Servicio di informacion y comunicacion y financiero a muestra aumentonan chikito pero stabiel. Pa loke ta sectornan cu a registra menos crecimiento, electricidad, gas, aircro y administracion publico a keda plat, cada un cu menos di 5 compania registra durante añanan. Manufactura y construcccion tabatin aumento

leve pero a keda abao en general den termino di cantidad di compania.

Na 2021, di un total di 3.743 compania, mas cu 3.100 tabata den sector di servicio, confirmando e economia di Aruba fuertemente orienta riba servicio. Esaki ta inclui negoshi no solo relaciona cu turismo, sino tambe salud, educacion, arte y otro servicio di sosten. A pesar di perdida di trabao mira den hospitalidad durante pandemia, e cantidad di compania a keda halto, implicando potencial pa recuperacion of un cambio pa operacionnan di menor escala (micro-empresa of eenmanszaak.)

Distribucion regional di negoshi

Entre 2015 y 2021, e cantidad di compania registra a aumenta di manera stabiel den casi tur distrito di Aruba, reflehando no solo expansion economico general, sino tambe un distribucion geografico mas amplio di actividad comercial. E hubnan comercial principal tabata Noord/Tanki Leendert, cu consistentemente tabatin e mayor cantidad di compania, aumentando 23.3% di 789 na 2015 pa 973 na 2019.

Oranjestad Oost a sigui di cerca, cu 798 compania na 2015 aumentando na 881 pa 2019. Oranjestad West tambe a mira aumento di 777 pa 901, reflehando e importancia duradero di e capital como centro comercial. E tres region aki a conta pa 74% di tur compania na Aruba na 2018. Entre e districtonan emergente, Paradera a aumenta di 199 na 235 compania, must-rando un aumento stabiel den presencia di negoshi chikito. Santa Cruz a crece di 242 pa 285. Savaneta y San Nicolas (Nort y Sur) tambe a mira crecimiento modera, maske di un base mas chikito. Notablemente, San Nicolas Sur a crece di 115 pa 132 compania, posiblemente vincula na esfuersonan di revitalisacion. E datonan ta muestra cu comunidad comercial di Aruba ta concentra den Noord-Oranjestad, pero un descentralisacion modera ta na caminda.

E distribucion regional ta alinea di cerca cu densidad di poblacion, infraestructura y proximidad cu zonanan turistico.



Aña 2024 tabata un aña yen di desaroyo y reto pa DIP

Prome cu Gabinete AVP-FUTURO a huramenta, ex prome minister Evelyn Wever-Croes a publica e relato anual di su ministerionan, minister di Asuntonan General, Innovacion, Organizacion Gubernamental, Infraestructura y Planificacion Teritorial. Como ex minister di Infraestructura e tabata encarga cu departamento di DIP, cu den 2024 a experiencia cambio y retonan basta fuerte.

Den aña 2024 a cuminsa un investigacion organisatorio pa optimalisa e colaboracion entre DOW, DIP y DLV, bou di e proyecto Optimalisacion di Infraserbicio, bou di e gabinete anterior. Ademá di esaki, tambe a cuminsa cu e reorganizacion di DIP.

Den e marco di e proyecto Optimalisacion di Infraserbicio, a tuma luga un investigacion den 2024 na e tres infraserbicio. Pa fin di 2024, e recomendacion a keda cla. A base di esaki, e relato anual ta indica, ta ser traha riba sistema y workflow cu ta causa di e servicionan individual

“Esaki por hiba na un colaboracion mas eficiente y optimalisacion di e servicio den e cadena di infraestructura riba un tempo cortico. E ta crea un transparencia riba un tempo cortico den e proceso y servicio, y di e manera ey ta sirbi como un medio importante pa garantiza confiansa den e cadena di infraestructura. E procesonan ta ser haci mas eficiente y e cumplimento ta yuda,” e jaarverslag 2024 ta indica.

E reorganizacion di DIP ta den un fase intensivo. Den 2024 tambe a haci un scan di cultura, un organogram di borchí a ser prepara, y e descripcionnan di funcion ta actualmente den fase di finalisacion.

E relato anual ta indica cu aña 2024 a marca un periodo di colaboracion intensivo den seno di DIP. Durante e aña a traha pa pone na altura cu e atrasonan cu tabata existi. Manera a wordo indica den e relato anual di aña 2023, DIP a enfrente un acumulacion considerabel di investigacionnan, incluyendo strafrechtelijk, den su organisacion. Esaki a causa obstaculo den varios departamento, parcialmente pa motibo di falta di personal, pero tambe pa mo-



tivo di inseguridad tocante e ehecucion di e tareanan.

Den e relato anual aki ta indica e cambionan importante cu a tuma luga den 2024 den DIP. E prome cambio ta e revision di procesonan. Den 2024, varios proceso di maneho a ser revisa, cu meta pa optimalisa e fluho di trabou y mehora e eficiencia operacional. Di dos cambio ta e enfoka riba formacion di team y coaching. E documento ta remarca cu tempo y medionan a ser inverti den fortalecimiento di e espirito di team y den duna sosten pa medio di coaching. Esaki a yuda pa construi confiansa den e teamnan y mehora e colaboracion. Y di tres cambio ta relaciona cu resistencia organisatorio. Segun e relato anual, pa motibo di e desaroyonan, e organisacion a muestra cu e tin resistencia y ta aspira na un structura mas fuerte y mas eficiente.

E documento ta subraya cu falta di personal ta keda un reto critico cu ta exigi atencion inmediato. Como parti di e solucion, un proceso amplio di reorientacion a cuminsa na september 2024. E proceso aki ta inclui: inventarisacion di capital humano cu ta consisti di un analisis profundo pa delinea e medionan actualmente disponibel, e rol y e competencianan; optimalisacion di tareanan, cual ta inclui redefinicion di responsabilidnan y sigurando cu tur tarea ta ser realiza di manera eficiente; por ultimo planificacion strategico, cual ta consisti di un bureau di conseho externo cu a ser contrata pa prepara un plan di reorientacion detaya, hunto cu un plan pa implementa e cambio di cultura cu ta necesario.

Departamento di Centro

di Entrega y Posesion di Tereno

E relato anual aki ta remarca cu e departamento combina di Centro di Entrega y Posesion di Tereno a traha duro durante e ultimo aña riba varios aspecto di nan tareanan. Ademá a pone hopi enfoka especificamente riba pone na altura cu e atrasonan den e procesonan di renobacion di e derecho di erfpacht di 60 aña, cu tabata un prioridad pa e departamento. Esaki a contribui na mehoracion di e proceso financiero relaciona cu esaki.

Departamento di Desaroyo di Tereno / Mejoracion di Domein

E departamento aki a dedica su esfuersonan durante e ultimo aña na varios proyecto importante. Segun e documento a duna hopi atencion na desaroyo y mehoracion di e tereno publico (domein), cu a haci seleccionnan strategico pa logra meta riba corto y largo plaso. E departamento a enfoca principalmente riba optimalisacion di e procesonan basico y preparacion di iniciativanan nobo. E departamento lo sigui traha riba e continuacion di desaroyo

diferente proyecto, cu enfoka riba sosten y mehoracion di tanto e terenonan existente como esnan cu ainda mester ser desaroya.

Departamento di Politica pa Desaroyo Espacial

Segun e jaarverslag aki, e departamento aki a traha intensivamente durante e ultimo aña riba diferente tema importante, entre otro planshade (compensacion pa daño den planificacion), verkavelingen (division di tereno), y duna conseho strategico na otro departamentonan. Esfuersonan aki a contribui na un desaroyo y implementacion continua di e plan di desaroyo espacial. E departamento ta keda duna sosten continuo y conseho tanto na otro departamentonan como na partner externo. E resultado di e aña pasa ta forma un base importante pa e futuro realisacion di proyectonan di desaroyo espacial.

Departamento Comercial

Jaarverslag 2024 ta indica cu e ultimo aña a resulta desafiante pa e departamento comercial. Tabatin varios caso hereda di proceduranan legal cu ta sali for di proyectonan cu a ser para, peticionnan sin respuesta, y decisionnan dudoso for di pasado. Esaki a causa necesidad pa coregi cierto situacion y determina un direccion cla pa e futuro.

A pesar di e reto, cinco proyecto comercial a logra finalisa cu exito. Ademá, e documento ta agrega, tres proyecto importante a keda cla cu un impacto considerabel: e edificio bieu di DOW, e ex edificio di Ministerio Publico (OM), y e edificio bieu di Aduana. E departamento tambe a logra haal in e atrasonan den peticionnan pa permiso di precario.

Departamento di Supervision, Control y Handhaving (TCH)

E departamento aki ta enfatisa e gran esfuersonan cu a ser tuma, a pesar di un falta di controlador. TCH a traha di cerca cu varios partner, incluyendo polis di playa y security di hotelnan, cu e meta pa mehora e implementacion di e polis di playa.

Ademá, pa motibo di handhaving relaciona cu ROPv (Plan di Desaroyo Espacial cu reglamento), TCH a traha hunto cu Bureau City Inspector, polis y DOW pa garantiza cu e reglamentacion local ta ser cumpli. E responsabilidad legal pa implementa e ROPv ta den man di polis y controladornan di DIP, cu a ser especificamente asigna pa e tareanan.

Departamento di Maneho di Edificio

Segun e jaarverslag e departamento di Maneho di Edificio a cumpli su tarea durante e ultimo aña cu enfoka riba coordinacion di e huur di edificionan pa e diferente dependencia gubernamental. E departamento aki tin un rol crucial den haya edificionan apropiada y den negocia condicionnan di huur favorabel.

Di e manera ey, e departamento di Maneho di Edificio no solamente tin un rol coordinativo, sino tambe un rol di conseho y negociacion, sigurando asina cu e dependencianan di gobierno ta operando den edificionan cu ta apropiada y eficiente den costo.

E relato anual 2024 di ministerionan cu tabata cay bou di ex prome minister ta conclui cu waña 2024 tabata un aña yen di desaroyo y reto, pero tambe di aprendisaje y crecemento pa DIP.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Merca na guerra... Cu henter mundo...

Economia mundial ta core e peligro di trastorno mayor pa e politica di gobierno di presidente Trump. E anuncio mas impactante a tuma lugar ayera, cu partimento di medida di tarifa di importacion contra un cantidad di pais, entre nan 'amigo y enemigo'. E medida general ta di 10% riba tur importacion na Merca, ademas medida mas pisa contra Union Europeo, Hapon, China y como 50 pais mas. Por anticipa medida reciproco di hopi di e paisnan afecta, loke ta crea base pa un situacion caotico na nivel economico mundial.

Desde su entrada como presidente na januari 2025 a keda bon cla cu Trump lo bay guerra comercial cu tur pais cu cual Merca tin relacion economico y den e tempo transcuri ta e guerra cu Trump a cuminsa cu e paisnan aliado den NATO y e bisña den sur, Mexico, a capta atencion. E arma economico cu Trump a scoge, tambe den su promer periodo di gobernacion, ta aumento drastico di e tarificanan di impuesto di importacion, mientras su obhetivo ta cu un parti grandi di e industrianan cu a muda bay otro pais, pa probecha di circunstancia mas favorable pa produci, lo bolbe Merca. E mudanza pa otro pais durante varios decada tabata mas tanto pa gastonan di salario mas abao, compara cu e nivel di salario na Merca. E importacion di producto bao di un regimen di liber comercio tabatin pa varios decada e bentaha di prijs relativamente abao pa e consumidor Mericano, pero a crea tambe un deficit grandi riba e balanza comercial Mericano. Di otro banda e pais ta exporta hopi servicio cu ta trece mas equilibrio den e cuenta total di bienes y servicio. Esaki ta e caso tambe cu Canada, un di e paisnan mas ataca pa gobierno di Trump, cu tin un surplus grandi den exportacion di producto pa Merca, pero e exportacion di servicio Mericano ta trece finalmente un situacion mas balanza. Si e perspectiva ta pa trece mas industria di regreso na Merca, esaki no ta bay asina facil. Naturalmente tarifa monstruoso por incentiva parti di industria reconsidera nan opcionnan, pero e motibo pakico nan a muda, e nivel di salario na Merca, no a cambia. Ademas, principalmente e industrianan cu hopi maquinaria compleho, ta tuma varios aña pa 'set up shop' na Merca atrobe. Tambe aparentemente Trump y su partido ta subestima e interrelacion cu tin por ehemplo den industria di auto entre Merca, Canada y Mexico, basa riba cruza frontera liber di impuesto. Por lo visto e critica y preocupacion di e CEO nan di e empresanan grandi manera Ford, Stellantis y GM no a surti efecto. Mientras tanto, contrario na loke Trump tabata propaga durante campaña, ta e consumidor Mericano ta paga e parti gordo di e impuesto

di importacion aumenta. Y anos, cu ta importa mayoria di producto di Merca o via e pais aki, ta obliga di paga e aumento aki tambe. Cu varios aña di un economia mundial caotico nos dilanti, tambe pasobra tur e paisnan cu ta keda afecta no lo sinta tuma esaki braza cruza, ta trece pa nos e pregunta kico por haci den e situacion aki. Politica di 'tariffs' no ta algo nobo; e ta existi pa varios siglo caba. E ta un politica economico, unda ta restringi entrada di cierto producto di exterior cu imposicion di un tarifa halto pa importacion, haciendo asina cu e producto ey lo tin un prijs mas halto riba mercado local, en comparacion cu producto local, creando asina un mercado mas favorable pa producto local. No semper ta trata di un imposicion riba tur producto di un cierto pais, sino di un imposicion general di cierto producto, irrespecto e origen den exterior. E medida actual Mericano ta bay hopi elu anto.

Na Aruba, mejor dicho na Antiyas di e tempo ey, tabatin den añanan sesenta (60) di siglo pasa un politica asina, bao influencia di e ola internacional di proteccion di industria local conoci bao di e concepto di "import substitution". Den region di Caribe hopi pais a participa den e 'moda' aki, poniendo tarifa halto pa producto di exterior, cu e intencion di proteha industria local. Nos pais, e tempo ey e constelacion Antiyano, tambe a impone tarifa halto di importacion pa entre otro muebles y ferf na Corsou. Gradualmente e onda di substitucion di importacion a desaparece bao di impulso mundial di liber comercio y surgimento di institucion mundial di comercio (WTO), pero tambe pa un motibo interno na hopi pais. Den region di Caribe hopi industria no tabata logra sobrevivi pasobra e imposibilidad pa produci na escala grandi tabata haci cu nan no por a competi cu industria di pais grandi. Cu ademas un agricultura tradicional cu tambe tabata perde e bataya na nivel mundial, esaki a causa cu den nos region turismo a surgi como e unico salvacion pa varios isla.

Pa bolbe na e situacion internacional actual; ta parce casi inevitable cu nos lo experimenta por lo menos un par di aña turbulento den nos economia. Perdida considerable di poder di compra na Merca y Canada lo tin consecuencia pa turismo y por lo tanto tambe pa gobernacion. Aumento di prijs di producto, tambe di transporte internacional, lo ocasiona aumento di prijs aki tambe. Un di e posibilidadnan cu por contempla ta busca pais cu por suministra cierto producto sin cu mester pasa teritorio Mericano. Esaki lo no ta facil, entre otro pasobra nos tin un sector turistico cu pa su calidad di servicio ta depende tambe di suministro na cierto nivel di calidad. Tin trabao dificil nos dilanti.

Awe mainta hues ta dicta sentencia den caso di expropiacion contra Benny Sevinger

Na final di februari a tuma luga tratamento di e caso di ontneming cu Ministerio Publico (OM) a cuminsa contra e sospechoso, ex parlamentario y minister Benny Sevinger, den e investigacion Avestrus.

Den e caso aki OM a exige e suma di 900 mil florin como compensacion pa e supuesto beneficiario financiero cu e sospechoso a ricibi di manera ilegal di e crimennan pa cual el a ser condena den apelacion di caso Avestruz tambe.

OM a splica cu e capital obteni di manera ilegal ta inclui entre otro, donacionnan cu a ser duna na su persona y tambe sumanan haya di manera inexplicable.

Na salida for di corte Sevinger, ken tabata compaña pa su famia, incluyendo su yiu muhe Stephany Sevinger ken ta actualmente parlamentario pa fraccion AVP, a duna declaracion na Telearuba y a splica cu manera ta conoci e caso Avestruz ta andando y di caso aki OM ta indica cu tin regalonan, sumanan finan-

ciero cu el a ricibi cual nan ta pone un suma na dje. Di esaki nan a cuminsa e caso di ontneming contra dje cu e meta pa kita e suma indica for di dje.

Sevinger a indica cu investigacion di OM, cu ta bisa cu e tin tres cas na Miami, condominium na Aruba, cuenta di banco na Corsou, Panama y Merca caminda e placa ilegal ta bay, no ta corecto, y a remarca cu e caso aki no ta bay tocante e acusacionnan cu nan tin den su contra, cu el a haya placa ilegal, pero cu e

ta bay over di un persecucion politico den su contra.



Minister Geoffrey Wever a tene su prome reunion cu Directie Financiën

A traves di un comunicado di prensa Minister di Finanzas, Economia y Sector Primario, Geoffrey Wever, a informa cu el a tene su prome reunion oficial cu Directie Financiën den su funcion como minister di Gabinete AVP-FUTURO.

E reunion aki, e comunicado ta informa, ta parti di e esfuerso pa yega na un comprension profundo di e reto, prioridad y metanan principal di finanzas publico pa Gabinete AVP-Futuro.

Durante e encuentro aki, e mandatario, y e representantes di Directie Financiën a trata varios topico clave relaciona cu maneho di presupuesto nacional y aspeccionan fiscal pa futuro. Directie Financiën tin e rol crucial di promove sostenibilidad financiero pa gobierno di Aruba.

Minister Wever a expresa su baloracion pa e trabou tecnico y dedicacion cu e ekipo ta demostra, y a subraya e importancia di un colaboracion estricto entre e ministerionan y Directie Financiën pa logra

resultado concreto.

Pa lora ta trata presupuesto 2026, e mandatario a informa mediante e comunicado cu mesora a cuminsa enfoca riba e presupuesto nacional 2026, pa logra trece e cambionan necesario y encamina e proceso pa entrega e presupuesto na tempo y trata esaki den Parlamento.

“Un maneho responsabel di finanzas publico ta fundamental si nos kier crea e espacio financiero pa por inverti bek den comunidad traha riba un futuro sostenibel y prospero pa tur ciudadano,”



minister Wever a destaca.

Minister Wever a informa cu lo sigui cu un serie di reunion cu otro departamento y entidadnan relevante di control den e prome simannan di su nombramento como minis-

ter di finanzas, economia y sector primario, pa sigura un enfoque integral y coordina riba e temanan economico y financiero structural cu tin impacto riba bida di e pueblo Arubiano.

Un frente di Reino contra criminalidad transnacional: Autoridadnan di ley ta uni forza den War Room

Mediante un comunicado di prensa e Colegio di Hefenan di Polis a informa cu den un situacion unico, funcionario di tur cinco cuerpo policial den Reino di Hulanda a reuni na Corsou pa e proyecto piloto War Room Estrategia di Reino. E iniciativa aki tambe ta inclui participacion di e Recherche Samenwerkingsteam (RST), Koninklijke Marechaussee (KMar), y e Guarda Costa di Caribe Hulandes (KW-CARIB).

E comunicado ta remarca cu e paso importante aki ta dirigi pa fortifica e cooperacion entre autoridadnan di ley pa combati criminalidad transnacional y criminalidad cu ta mina e sociedadnan na e paisnan den Reino Hulandes.

E War Room ta bou di liderazgo di e coordinador di e Plataforma di Coordinacion

di Informacion Interinsular (IICP); locual ta un cooperacion structural entre e organisacionnan participante y Ministerio Publico (OM), enfoca riba maneho y intercambio di informacion. E coordinador ta haya sosten di e oficial di enlace di Polis Nacional Hulandes y di coordinador di coordinacion di Informacion Caribe Hulandes (ICC-NL).

E comunicado ta splica cu e termino ‘war room’ ta bini di mundo militar, referiendo na un espacio central pa desaroya strategia y coordina operacionnan. Durante e dos siman di e proyecto piloto - di 31 di maart te 11 di april 2025 - analista y expertonan den informacion lo traha intensamente hunto pa identifica y analisa rednan criminal cu ta activo den mas cu un pais den Reino. E produccionan di informacion cu ta sali for di e colaboracion aki

por sirbi como base pa investigacion penal of otro tipo di intervencion.

E proyecto piloto ta sirbi tambe como training practico pa e analistanan nobo den Cuerpo Policialnan Caribeense y RST.

Na nomber di e Colegio di Hefenan di Polis, e War Room a ser inaugura oficialmente pa Hefe Policial di Corsou, Raymond Ellis, hunto cu Ans Rietstra, Hefe di RST. Segun Ellis, e iniciativa aki “ta un fase nobo den cooperacion den Reino.”

Segun e Hefe di Polis: “No ta un coincidencia cu nos a eligi pa traha den un War Room. E lucha contra crimen organisa ta parce un guerra moderno. E lucha ta tuma luga den waf, aeropuerto, riba caya y tambe riba internet. Nos oponentenan ta bon organisa, ta colabora sin problema pafo di



frontera, ta usa tecnologia sofisticada y tin un posicion fuerte di informacion. Esaki ta nifica cu nos tambe mester organisa nos mes miho, traha hunto sin limitacion y fortifica nos mesun posicion di informacion.”

E Hefe di RST a expresa su aprecio y sosten pa e proyecto, y a bisa cu e tin confiansa cu e War Room lo trece resultadonan util y importante. E iniciativa aki ta demostra cu e instancianan di manten-

cion di ley den henter Reino no solamente tin e deseo pa combati crimen organisa, pero tambe ta pone deseo aki den accion concreto. E no ta solamente un proyecto piloto, e ta un señal fuerte di union, demostrando urgencia den e lucha contra criminalidad cu ta mina e sistema.

Ta spera cu e metodo cu ta ser desaroya durante e simannan aki, lo sirbi como base pa un cooperacion duradero y structural den futuro.

Merca: Dispididonan den departamento di salud lo resulta den data riba uso di droga y salud mental no usa

(AP)—Mayoria adolescente no ta usa droga. Tin data pa comproba esey, danki na un encuesta di gobierno cu tin 50 aña, pero cu awor ta den riesgo.

Tur 17 miembro di e team di gobierno Mericano cu ta responsabel pa e National Survey on Drug Use and Health a ricibi carta di dispidido ayera, como parti di un reorganizacion grandi den e Departamento di Salud y Servicio Humano di Merca (HHS).

No ta cla si tin un plan alternativo pa analisa e data, cu ta ser usa pa gobiernonan local y estatal pa desaroya medidanan di prevencion y servicionan di tratamento. Gobierno federal ta distribui placa pa combati e crisis di adiccion na opioide basa riba esaki. Investigadornan ta usa e data pa studia tendencianan den depresion, alcoholismo y uso di tabaco.

Vocero di HHS, Andrew Nixon, a bisa cu e encuesta—cual ta obligatorio segun Congreso—lo sigui “como un contribucion vital pa e desaroyo di salud di comportamiento na Merca.” E ta agrega cu e reorganizacion di e departamento lo pone nan “den un miho posicion pa cumpli cu loke Congreso a ordena.”

E encuesta, cual ta representativo pa henter e nacion, ta ser conduci den persona cada aña cu mas o menos 70.000 hende, pa un grupo di investigadornan independiente. E ta duna un idea hopi mas completo cu solamente observa e mortonan di sobredosis, segun Lindsey Vuolo di Partnership to End Addiction.

“Nos ta usa e resultado di e encuesta casi tur dia den nos

investigacion, programanan educativo y materialnan di comunicacion,” Vuolo a bisa.

Prome cu e dispididonan, e team di gobierno tabata preparando pa analisa e data di 2024, cu lo ta e prome aña cu tendencianan por ser considera viable despues cu e pandemia di coronavirus a afecta e coleccion di data, segun Jennifer Hoenig, ex-director di e Office of Population Surveys cu tambe a ser dispidi.

E data por keda sin ser usa si no tin analistanan cu experiencia pa interpreta esaki, Hoenig a bisa. “Tur persona cu tabata traha riba e encuesta a ser despedi,” Hoenig a bisa. E oficina ta forma parti di e Substance Abuse and Mental Health Services Administration, cu segun e plan di Secretario di Salud Robert F. Kennedy Jr., lo ser integra den un Administration for a Healthy America nobo.

“Mi team y ami ta kere hopi den e data aki, y nos kier pa hende comprende kico nos pais ta perde si e data aki no ser usa,” Hoenig a bisa.

Den e ultimo añanan, e encuesta a muestra cu:

- Siete di cada dies adolescente no a usa droganan illicito of bebe alcohol den 2023.
- Hende homber di 60 aña tabatin mas chance compara cu hende muhe den mes grupo di edad pa tin un desorden di uso di substancia, pero muhenan tabata mas probable compara cu hombernan pa tin un episodio di depresion grandi den 2021 y 2022.
- Hobennan lesbiano, gay y bisexual tabata dos biaha mas probable compara cu hobennan heterosexual pa tin un desorden di uso di substancia den 2023.



— E cantidad di hende cu a usa cannabis den e ultimo aña a casi dobel den dos decada, di 11% den 2002 pa 21.9% den 2022.

“Ora bo kier soluciona cualkier problema di salud publico, data ta crucial,” Andrew Kessler di Slingshot Solutions, un agencia consultorio specialisa den adiccion y tem-

anan di salud mental, a bisa. “E ta duna nos e posibilidad pa defende y establece politicanan cu ta yena e gran espacionan den tratamiento—y asina salba bida.”

LUNA DI LOCURA!

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS! MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 1 TE CU 30 DI APRIL

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com



Oficina di Turismo na Sint Eustatius back cu un ekipo nobo

(BesReporter) – Despues di casi un año di un deficit severo den personal cu a stroba e desaroyo turistico di St. Eustatius, e Fundacion pa Desaroyo di Turismo di St. Eustatius (STDF) a haci dos nombramento strategico pa restaura e impulso turistico di e isla.

Anteriormente, STDF tabata depende solamente riba Maya Pandt, kende a maneha tur funcion critico su so pa ocho luna.



Pandt, recientemente promovi pa Director di Turismo, a ex-

presa alivio, bisando, “Mi ta contento cu STDF porfin ta reuni un team pa comparti e carga di trabou enorme aki.”

Hunto cu Pandt, Eriëenne CJ Brandaoa ser nombra como Especialista di Comunicacion, y Christina Hook como Oficial Financiero y Administrativo. Brandao, un graduado di The ROC Mondriaan International Hotel Management School, lo trece back e iniciativanan promocional global di St. Eusta-

tius. Hook ta trece mas cu 30 año di experticio financiero, garantizando maneho di recurso robusto y relacionnan cu stakeholder.

Cu e rolnan critico aki yena, e STDF tin como meta pa mehora promocion di turismo rapidamente, mercadeo y esfuersonan di planificacion strategico cu anteriormente tabata stroba pa scarsedad di empleado.

Momento historico na Corsou y Sint Maarten: Florin Caribense awor oficialmente den circulacion

(Caribisch Netwerk) – Na Corsou y Sint Maarten a intercambia e moneda nobo pa prome biaha: e florin Caribense. Meymey di hopi interes, Minister di Finanzas di Corsou Javier Silvanía (MFK) a intercambia e biyetenan bieu pa esnan nobo di aluna mainta na Banco Central di Corsou y Sint Maarten (CBCS). Su homologo Marinka Gumbs (Finanzas, DP) a haci esaki na mes momento na Sint Maarten.

Despues di añanan di preparacion, e ta oficial for di 1 di april: e florin Caribense ta den circulacion na Corsou y Sint Maarten. Un moneda nobo, cu biyetenan colorido cu ta muestra bestianan bou di awa, di un stingray pa un cabay di lama. E ultimo ta specialmente popular. “Mi ta kere cu e cabay di lama ta esun di mas bunita,” un señora a bisa. “Pero mi no ta bay mira esey hopi biaha.” E ta para riba e biyete di 200 florin Caribense, e suma di mas halto.

E florin Caribense nobo ta reemplasa e florin Antiano y tin e mesun balor. Entre 31 di maart y 1 di april a transfer transaccionnan di pago digital for di Naf pa CG, cu tin e codigo internacional XCG. Tur dos moneda por ser usa ainda den ambos pais pa e proximo tres lunanan. Despues, e Naf ta ser despedido oficialmente.

Biyetenan falsifica

E florin Antiano a ser introduci 73 año pasa. Pero e notanan ta anticua y ta facil pa imita. Den ambos pais tin hopi biyete di 100 florin falsifica. Naturalmente, e ta hunga un rol tambe cu An-



tias a ser disolvi na 2010 y e number awor ta anticua.

Segun director di CBCS di Corsou Leila Matroos-Lasten, introduccion di e florin Caribense ta un simbolo di confiansa ‘den nos economia

y den nos mes’. Riba Sint Maarten, director di CBCS Richard Doornbosch a bisa cu e ta mira e introduccion como un paso ‘den un era nobo di estabilidad y crecimiento financiero’.



Dollarisacion

No ta tur hende na Sint Maarten ta contento cu e moneda nobo. Hopi hende ta mira ‘Dollarisacion’ como e paso mas logico debi na e fluho grandi di turista Mericano y e hecho cu hopi producto tin prijs na dollar. E prome reaccion abou di e post di Facebook di parti di gobierno di Sint Maarten tocante e introduccion ta bisa hopi, esta cu e ta un ‘malgastamento di placa di e pagador di impuesto’.

E poblacion di Corsou ta mucho mas entusiasmo. E prome intercambio a conta cu presencia di entre 100 y 200 persona y medianan di comunicacion. Un dama den un bisti colorido tabata para dilanti di un banco-matico na Corsou, cu mas su tras. Tabata mainta trempa, pero tur hende a lanta cu e mesun meta: pa tin e florin Caribense nobo pa prome biaha. “Mi a purba di lanta placa ayera caba,” e señora a bisa hariendo. “Pero pa e tempo ey e florinnan bieu tabata disponibel ainda. Awe ta e dia.”

E introduccion di e moneda colorido nobo a mira un proceso di seis año largo, y segun e banco, e ta cumpli cu ‘tur e caracteristicanan di seguridad moderno’, Matroos-Lasten a enfatisa.

Mundo bou di awa

Otro factor cu ta hunga un

rol ta cu e biyetenan nobo ta hopi atractivo y moderno. A usa imagennan di edificionan caracteristico y historico di ambos pais y hopi atencion a ser paga na e mundo abou di awa “cu ta conecta ambos pais, cu ta geograficamente 100 kilometer for di otro”, segun Matroos-Lasten.

Di awor padilanti e Naf por ser cambia pa e florin Caribense door di e doñonan di cuenta na banconan comercial. Personanan cu no tin cuenta di banco por tuma contacto cu CBCS pa cambia placa cash. No mester di identificacion pa un montante bou di 2.500 Naf.

Tiendanan ta acepta tur dos moneda, pero hopi biha ta duna florin Antiano back. “Te ora tur biyete bieu caba,” un cahera a splica. “Despues nos ta cambia completamente.” Den e proximo trinta año, ainda por cambia e monedanan y biyetenan bieu na Banco Central.

E banconan tabata prepara pa e ahustenan di pagonan ‘cashless’ for di comienso di e siman aki. Ta pa e motibo aki trafico digital no tabata posibel durante anochi di di aluna pa diamars y pagonan cu carchi di banco tambe por a causa dificultad. Pa informacion tocante e florin Caribense, por subi e website: www.caribbean-guilder.com.

Critica masivo tocante Minister Faber durante un debate di boluntario di asilo; Schoof a ser yama pa asisti

(NLTimes) – Oposicion a critica Minister di Asilo Marjolein Faber (PVV) den un debate parlamentario tocante su rechaso pa firma honornan Real pa boluntarionan di asilo. Varios parlamentario a acus’e di pone e unidad di gabinete na riesgo. Oposicion tambe a insisti pa Prome Minister Dick Schoof ta present’e den e debate, despues cu e inicialmente tabata bay laga Faber defende su mes, segun NOS.

E tema a surgi despues cu Faber a rechasa di firma medayanan Real pa cinco ex-boluntario cu a yuda COA cu refugio di solicitantenan di asilo. Normalmente, e firma di e minister ta un formalidad. Eventualmente, Schoof mes y Minister di Asuntonan Interno Judith Uitermark (NSC) a firma e medayanan. E situacion a lanta preocupacion tocante e unidad di gabinete. Lider



di GroenLinks-PvdA, Frans Timmermans, a exige tres cos pa restaura e unidad: Faber mester pidi disculpa, mester firma e nominacionnan y mester compromete pa firma tur nominacion den futuro. “Esaki ta e unico manera pa restaura e unidad di gabinete,” el a bisa. Timmermans tambe kier pa Schoof condena e accionnan di Faber.

Lider di PVV, Geert Wilders, a defende Faber inmediatamente. Segun Wilders, Faber no a haci nada straño. “Un minister tin derecho di rechasa un medaya. E ta

un procedura normal, no ta pasa hopi, pero e ta existi...” Wilders a yama e debate “nonsense” y a bisa cu Faber merece un medaya Real pa su postura fuerte.

Lidernan di D66 y ChristenUnie, Rob Jetten y Mirjam Bikker, a acusa Faber di viola e unidad di gabinete repetidamente. “Ta ora pa bo bay,” Jetten a bisa. Varios partido a menasa di presenta un mocion di desconfiansa contra dje. Bikker a bisa cu “e tempo di tolerancia a caba,” y lider di CDA, Henri Bontenbal, a bisa cu e debate lo muestra

“kico ta e normanan di gabinete y ken ta dicidi nan.”

Lider di BBB, Caroline van der Plas, a acusa e oposicion di trata di destabilisa e gabinete henter djis pa kita Faber. Segun e, e oposicion “ta dispuesto pa paralisa e pais completo den e lunanan cu ta bin,” tocante un asunto cu “hopi cos ta exige un solucion.”

E debate a cuminsa ayera mainta pero a ser suspendi pa un ora largo ora e oposicion a insisti cu Schoof mester a asisti. Segun nan, e unidad di e politica di e gabinete ta den peliger, y cu e ta responsabilidad di e prome minister. E debate a sigui ora Schoof a acepta pa bin.

E polemica tocante e medayanan Real a surgi weekend pasa ora Faber a rechasa di firma e nominacionnan. Pasobra COA ta un agencia bou di su ministerio, e documentonan tabata pa e firma. Faber

a bisa cu e no kier honra boluntarionan den refugio di asilo, pasobra e no ta cuadra cu su politica pa reduci cantidad di buscado di asilo na Hulanda.

Durante e sesion di pregunta semanal diamars, Faber a bisa cu no ta problema pa Schoof y Uitermark firma na su lugar, pero el a sostene su postura cu e no lo firma nan. E tambe a nenga di pidi disculpa, manera e oposicion a pidi.

Despues di un consulta cu Schoof y e coalicion den anochi, Faber a manda un carta cortico na parlamento, expresando cu e “ta sostene 100% e nominacionnan.” El a bisa cu el a lamenta pone enfasis na su rechaso en bes di riba e hecho cu tabata bon pa otro hende firma.

Segun fuente den gabinete, Faber ta den un situacion fragil.

Universidad di Radboud avisa pa corta conexion cu institucion Israeli

(NLTimes) – Un comision special a recomenda Universidad di Radboud pa corta laso cu dos institucion di Israel, despues di conclui cu Universidad Hebreu na Jerusalem y Universidad di Tel Aviv ta contribui na “violacion serio y sistematico di derecho humano” den teritorio Palestino. Ainda no ta cla si e universidad na Nijmegen lo sigui e conseho, segun RTL Nieuws.

Universidad di Radboud a pidi e comision pa investiga e dos universidadnan di Israel y duna conseho tocante

nan colaboracion continua. E comision a recomenda en contra, refiriendo na varios manera den cual e institucionnan Israeli ta contribui na violacionnan di derecho humano.

Por ehempel, Universidad Hebreu tin cursonan tocante tecnologia militar. Universidad di Tel Aviv ta inverti den arma di dron. Y e dos universidadnan ta entrena personal pa e servicio di inteligencia di Israel.

E directiva di Universidad di Radboud lo analisa e recomendacion y dicidi mas


despues si lo sigui traha cu e institucionnan di Israel. Studentenan y empleadonan por duna nan opinion ariba e tema y lo tin un consulta di-aluna.

Universidad di Radboud ta trahando cu Universidad Hebreu for di 2015 y cu Universidad di Tel Aviv for di 2016.

Segun e universidad Hulandes, actualmente no tin estudiante di Nijmegen ariba intercambio na e institucionnan di Israel ni estudiante Israeli na Hulanda.

Universidad di Amsterdam a suspende su programa di intercambio di estudiante cu

Universidad Hebreu luna pasa.



TRABOU DI MANTENCION RIBA LIÑA DI DISTRIBUCION JARA
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diamars, 8 di april, 2025
8:00 AM te cu 4:00 PM

Den vecindario di:

- Savaneta (un parti)
- Gen Maj de Bruynewijk (un parti)
- Humildad (un parti)
- MFA Savaneta
- Seroe Alejandro (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.

ELMAR

Detencion di migrantenan na frontera di Mexico cu Merca den maart ta e nivel mas abao cu a yega di mira

(Reuters) - E cantidad di migrante gara ta crusa e frontera entre Merca y Mexico ilegalmente den maart a cay na e nivel mas abao cu a mira, segun cifranan inicial publica pa gobierno Mericano dia-mars.

U.S Customs and Border Protection a bisa den un comunicado di prensa cu e data actualmente ta demostra cu alrededor di 7,180 migrante a keda deteni na e frontera den maart, cual lo ta e total mensual mas abao cu tin den record. E cantidad di detencion di migrante den maart a baha di un averahe mensual di 155,000 durante e ultimo 4 aña segun e agencia a co-



menta. Segun CBP, e cifranan final di maart lo keda publica den e dianan binidero. "Agentenan di patruhay na e frontera ta empodera manera nunca antes pa preveni entrada ilegal y

proteha e bida di Mericanonan," Comisario di CBP Pete Flores a bisa den e comunicado. Presidente Donald Trump, un Republicano, a tuma un cantidad di accion pa desen-

curasha crusamento ilegal na e frontera despues di a bolbe e Cas Blanco dia 20 di januari, bisando cu accion ta necesario despues di nivelnan halto di migracion mira bao President Democratico Joe Biden.

Trump su accion ta inclui trupanen militar y implementacion di prohibicion di asilo na e frontera. Su medidanan ta construi riba algun iniciativa cu ya caba tabata na caminda durante ultimo añanan di Biden su mando, incluyendo un prohibicion similar contra asilo y un empuhe pa aumenta implementacion Mexicano. E medidanan aparentemente a reduci e crusamento ilegal.

U.S Border Patrol su estadisticanan ta bay te na aña 2000. E cantidad mensual mas abao cu a yega di mira den record tabata 8,347 luna pasa. Prome cu esey, e cantidad mas abao den total cu tin den record ta den luna di april den 2017 ora cu e agencia a detene 11,127 persona na comienso di Trump su prome termino.

Mientras cu e cantidad di detencion na frontera a cay di manera similar durante Trump su prome presidencia - cual algun a yama e 'efecto Trump' - algun luna y aña despues e cifranan a aumenta back.

Potret di Reuters.

Peru: Studiantenan ta exige miho seguridad, miho infraestructura y cuminda gratis cu manifestacion

(Infobae) - Studiantenan di Universidad Nacional Agraria La Molina (UN-ALM) a manifesta pa exige un miho infraestructura, miho seguridad y cuminda gratis entre otro. Infobae Peru a conoce algun di e alumnonan y e busnan cu ta transporta nan no por a drenta e tereno di e scol, debi na e manifestacion.

Aparentemente e universidad ta den un "crisis", cu a resulta di un maneho "cu deficiencia, cual ta cabando cu su capacidad academico y e falta di transparencia den su administracion."

Dia 20 di maart di e aña aki, durante Asamblea General de Estudiantes (AGE), a aproba cu mayoria y mas di 430 voto na favor, tuma accion. E hobennan a sostene via un comunicado cu e accion aki a surgi a causa di "indignacion y e lucha pa recupera speransa y mehora nos alma mater. Nos ta den un comunidad di estudiante cu ta cansa di warda, nos no lo keda keto mas y si acaso, nos ta bay forma parti di e cambio, pa asina kisas den un futuro nos por tin e Agraria Bonita cu nan a priminti nos," nan a expresa.

E alumnonan ta afirma cu e seguridad na UNALM a laga di desea den añanan recien di diferente forma. Por ehempel, nan ta menciona cu no tin un registro efectivo di robo, cual ta haci dificil mantene un bista of resolve e inciden-



tenan. Ademas, nan ta bisa cu ken cu ta por drenta e universidad, pa motibo cu no tin un bon control di acceso. Di otro banda, nanta afirma cu e personal di seguridad no a haya pago pa e dianan cu nan a traha den 2020 y 2021, ni tampoco ta capacita constantemente. "A identifica deficiencia den e personal asigna na DIGA y Hefe di Seguridad, kendenan a manifesta e falta di respuesta na e solicitudnan y e falta di cosnan basico pa e servicio manera rijbewijs, falta di mantenimiento na e vehiculonan entre otro." Ademas, di e exigencianan aki, tambe nan ta exige "contrata un hefe competente."

E alumnonan ta pidi tambe pa cuminda ta uno gratis. Actualmente ta paga pa desayuno, cuminda di merdia y cena. E interes cu ta genera, nan ta menciona, "lo tin sosten bao e presupuesto di RDR na Bienestar Universitario." Tambe nan ta exige pa Asamblea Universita-

ria aproba participacion den elaboracion di e menu cu lo ofrece, "E servicio mester garantiza un alimentacion adecuada, accesible y di calidad pa e studiantenan. Sinembargo, durante varios aña a registra keha tocante e servicionan di cuminda, cual no a atende."

E cuerpo di estudiante kier pa realiza revision di structura den henter campus, cu obetivo di preveni accidente den futuro. Ademas, ta exige e construccion di laboratorio di ciencia, unda lo desaroya curso di Biologia, Fisica, Kimica, Zoologia, Botanica y Biotecnologia.

Finalmente, nan ta desea orario mas amplio pa uso di baño y cu trece un proyecto mas adecua den e sistema di awa. Un estudiante di UN-ALM a indica na Infobae Peru cu nan sa tin problema cu e uso di servicionan di higiene, pa motibo cu ta cera algun bao e argumento cu "no tin suficiente personal pa e limpieza."



Cruz Cora ta fortifica su capacidad pa responde den Caribe cu reunion na Jamaica

Pa evita separacion di famia den situacion di desaster

Den luz di e consecuen-
cianan humanitario di di-
saster natural den Caribe,
e “Family Links Network
(FLN) a cuminsa awe cu
un reunion pa reforza
“Restoring Family Links”
(RFL), cu coordinacion,
preparacion y respuesta
na emergencia, incluyen-
do desaster.

Den e reunion aki na Jamai-
ca, ta participa 20 Sociedad
Nacional di Cruz Cora di e
region y e paisnan cu ta pa-
pia ingles y frances (Antigua
y Barbuda, Aruba, Bahamas,
Barbados, Belize, Bonaire,
Curacao, Canada, Dominica,
Grenada, Guyana, Haiti, Ja-
maica, St. Kitts y Nevis, Saint
Lucia, Saint Vincent y Gren-
adines, Suriname, Trinidad
y Tobago, Turks & Caicos y
U.S.A), Federacion Interna-
cional di Cruz Cora y Socie-
dadnan (IFRC) y Comision
International di Cruz Cora
(ICRC).

Enfoke di e meeting aki ta,
entre otro: resforza e trabou
y comunicacion, pero tambe
e coordinacion entre e socie-
dadnan nacional. Tambe nan
lo tin oportunidad pa com-
parti experiencia, reto y prac-
ticanan den e field di RFL.
Preparacion, respuesta den
desaster, proteccion di data
personal, prevencion di sepa-



racion y desaparicion bou e
circunstancia di desaster.

Fenomeno natural, ocasiona
pa cambionan climatico y
aumento di tormentanan y
horcan den Sur Atlantico y
Caribe ta causante signifi-
cante di perdida di material,
separacion di famianan, de-
saparicionan y morto tur aña.
E situacion aki tin hopi im-
pacto riba servicionan y co-
municacion ta aumenta vul-
nerabilidad di comunidat-
nan, lagando nan den duda
y ansioso pa cu e seguridad y
paradero di nan sernan keru y
ta disminui nan capacidad pa
recover.

E Movimiento di Cruz Cora
Internacional ta desplega su

programa di Restoring Fam-
ily rond mundo, pa yuda miles
di persona mantene y reesta-
blece contacto cu sernan keru,
pero tambe pa localisa nan
via e Family Links Network.
Esaki ta wordo realiza cu co-
ordinacion cu autoridadnan y
por medio di varios servicio,
manera: yamadanan telefoni-
co, coneccion di internet (tin
ora via sateliet), cargamento
di ekipo di comunicacion cu
coriente, mensahenan skirbi
di Cruz Cora, peticionnan di
rastreo, buskeda etc.

E Movimiento di Cruz Cora
Internacional ta e red hu-
manitario mas grandi di
mundo, cu su mision ta pa
preveni y alivia sufrimento
humano den tur situacion;



proteha bida y salud; y a sos-
tene dignidad humano, par-
ticularmente den situacion di
conflict arma, violencia arma
y otro emergencianan.

E Movimiento ta consisti di

Federacion Internacional di
Cruz Cora (IFRC), Comis-
ion Internacional di Cruz
Cora (ICRC) y e 191 Socie-
dadnan Nacional, presente
den casi tur pais na mundo.

Polis di Kenya na Haiti ta sufri mas perdida den choke cu gang

**(Reuters) - 2 oficial di Ke-
nya na Haiti a keda seria-
mente herida den choke
cu gang durante e ultimo
siman segun 3 oficial a
conta Reuters, agregando
cu e mision su lista di per-
dida ta creciente pa mo-
tibo cu e ta bao atake cu ta
cada bes mas frecuente.**

Kenya a desplega oficial pa
prome biaha den juni n e
mision Multinational Se-
curity Support (MSS), cual
actualmente tin alrededor di
1,000 personal di seguridad
cu alrededor di 3 kwart di
nan di Kenya.

E mision, cu e meta di res-
taura suficiente seguridad pa
Haiti por tin su eleccion den
februari di 2026, a enfrente
problemanan di moral for di
comienso y incertidumbre
tocante su posibel expan-
sion den medio di violencia
di gang cu ta keda escala. El

a sufri su prome perdida fatal
den februari, y MSS a reporta
cu otro oficial di Kenya ta de-
sapareci desde siman pasa. E 3
oficial, ken a pidi pa no nom-
bra nan, a bisa cu ta asumi cu
e ta morto.

Nan a bisa cu e dos heridan-
an a yega durante patruyahe di
rutina den y alrededor di e
capital Port-au-Prince, cual ta
bao control di gangnan suma-
mente arma y cu ta culpabel
pa morto desde 2021. Vocero
di MSS Jack Ombaka a con-
firma cu dos ofical a evacua
na Republica Dominicana pa
cuido medico. “Di mesun
manera cu cualkier mision,
perdida ta dificil di evita,” el
a bisa.

E 3 oficial a bisa cu e gangnan
ta ataca na un base regular
cu ta aumentando cada biaha
mas y a keha cu nan ekipo no
ta adecua. Nan a bisa cu un di
e oficial a fayece despues cu

un tiro a pasa door di su hel-
met y otro a ricibi tiro na su
horea ora cu un tiro a penetra
vehiculonan fortaleci.

20 vehiculo cu armadura a
keda para e fin di siman aki
despue cu oficialnan a nenga
usa nan, kehando cu esaki ta
e di dos biaha cu un vehiculo
no a stop un bala. Delegacion
di MSS tin plan di bay Wash-
ington e siman aki pa pre-
senta e preocupacion tocante
e calidad di proteccion na e
oficialnan di Merca, segun
dos oficial di alto rango den
MSS a conta Reuters.

Merca a provee mayoria di e
financiamiento y ekipo pa e
mision, cual ta encontrando
problema pa garantisar con-
tribucion significante for di
otro paisnan.

E gobierno di Kenya a cita
motibonan humanitario na
Haiti, aunke analistanan ta

bisa cu e despliegue tambe
ta motiva pa un deseo di im-
pulsar e pais su perfil interna-
cional y asina gana e favor di
Merca. Ora a puntra tocante
e preocupacionnan cu tin pa
cu e ekiponan, Ombaka a
bisa: “MSS ta sigui ricibi sos-
ten logistico creciente for di
su partnernan y stakeholder,

cu garantia cu tur ekipo ta
cumpli cu standard interna-
cional.”

Merca su departamento es-
tatal no a responde inme-
diatamente na un peticion cu
haci pa e duna comentario.

Potret di Reuters.



Val Kilmer, actor di Top Gun y Batman a fayece cu 65 año

(AP) — Val Kilmer, actor versatil y pensativo cu a hunga como Iceman den “Top Gun,” a bisti un capa voluminoso como Batman den “Batman Forever,” y a interpreta Jim Morrison den “The Doors,” a fayece. E tabatin 65 año.

Kilmer a fayece diamars anochi na Los Angeles, rondona pa famia y amigonan, segun su yiu muher, Mercedes Kilmer, a bisa den un email na The Associated Press. Kilmer a muri di pulmonia. El a recupera despues di un diagnosis di cancer di garganta na 2014 cu a rekeri dos traceotomia. New York Times tabata e prome pa informa di su morto.

Kilmer, kende cu 17 año tabata e actor di mas hoben cu a ser acepta na e prestigioso Scol Juilliard e tempo cu el a bay, a experiencia e subida y baha di fama mas drastico compara cu mayoria celebridad.

“Mi a comporta mi mes malo. Mi a comporta mi mes cu curashi. Mi a comporta mi mes straño cu algun. Mi no ta nenga nada di esaki y no tin arepentimento pasobra mi a perde y haya partinan di mi mes cu nunca mi tabata sa cu tabata existi,” el a bisa na final di “Val,” e documental di 2021 tocante su carera. “Y mi ta bendiciona.”

Su exito a bini den e pelicula parodia di spionahe di 1984 yama “Top Secret!” sigui pa e comedia “Real Genius” na 1985. Kilmer despues lo muestra su habilidadnan di comedia atrobe den pelicanan incluyendo “MacGruber” y “Kiss Kiss Bang Bang.”

Su carera di pelicula a alcanza su punto mas halto na comienso di añanan 90 ora el a traha un nomber pa su mes como un homber protagonista, protagonisando hunto cu Kurt Russell y Bill Paxton den “Tombstone” na 1993, como e fantasma di Elvis den

“True Romance” y como un experto den demolicion di atraco di banco den e pelicula di Michael Mann 1995 “Heat” cu Al Pacino y Robert De Niro.

“Mientras mi tabata traha cu Val riba ‘Heat’ semper mi tabata keda asombra cu su habilidad, e variabilidad briyante dentro di e coriente poderoso di Val su caracter posesional y expresa,” director Michael Mann a bisa den un declaracion diamars anochi.

Kilmer, kende a tuma parti na e rama di Metodo di entrenamiento di arte di Suzuki — a dedica su mes na e rolnan cu el a hunga. Ora el a hunga Doc Holliday den “Tombstone,” el a yena su cama cu ijs pa e escena final pa imita e sintimento di muri di tuberculosis. Pa hunga Morrison, el a bisti carson di cuero tur ora, a pidi compañeronan y ekipo pa referi na dje solamente como Morrison y a toca The Doors pa un año.

E intensidad ey tambe a duna Kilmer un reputacion cu e tabata dificil pa traha cune. Algun cu e tambe a admiti, pero tambe semper a keda defende su mes door di enfatisa arte ariba comercio.

“Den un intento inflexible pa empoderar directornan, actornan y otro colaboradornan pa honra e berdad y esencia di cada proyecto, ... mi a ser considera dificil y a frustra e cabes di cada studio grandi,” el a skirbi den su memoria di 2020.

Un rol iconico di su carera tabata hungando Batman den Joel Schumacher su pelicula “Batman Forever” (1995) cu Nicole Kidman y Chris O’Donnell.

Na 1996, Entertainment Weekly a saca un relato tocante Kilmer titula “E homber cu Hollywood ta stima



pa odia.” E directornan Schumacher y John Frankenheimer, ken a caba “The Island of Dr. Moreau,” a bisa cu e tabata dificil. Frankenheimer a bisa cu tabatin dos cos cu e lo no haci nunca: “Subi Sero Everest y traha cu Val Kilmer atrobe.”

Otro artistanan a bin na su defensa, manera D.J. Caruso, kende a dirigi Kilmer den “The Salton Sea” y a bisa cu e actor simplemente tabata gusta papia y tabata disfruta di tin atencion di un director.

“Val mester sumergi su mes den un personahe. Mi ta kere cu loke a pasa cu directornan manera Frankenheimer y Schumacher ta cu Val lo a haci hopi pregunta, y un tipo manera Schumacher lo a bisa, ‘Bo ta Batman! Djis bay hacie,’” Caruso a conta Times na 2002.

Kilmer a pasa su añanan formativo den e barrio di Chatsworth na Los Angeles. El a bay Chatsworth High School hunto cu e futuro ganador di Oscar Kevin Spacey y e futuro ganador di Emmy Mare Winningham. Poco despues cu el a sali pa Juilliard, su ruman homber mas hoben Wesley a sufri di un atake epileptico den e Jacuzzi di famia y a fayece na caminda

pa hospital. Wesley, di apenas 15 año, tabata aspira pa traha pelicula.

“Mi ta sinti su falta y ta sinti falta di su cosnan. Mi tin su arte. Mi gusta pensa riba kico e lo a crea. Ainda mi ta inspira pa dje,” Kilmer a conta Times na 2002.

Mientras cu e tabata na Juilliard ainda, Kilmer a co-skirbi y a aparece den e obra “How It All Began” y despues a nenga un rol den “The Outsiders” di Francis Ford Coppola pa e obra di Broadway “Slab Boys,” hunto cu Kevin Bacon y Sean Penn.

Kilmer a publica dos buki di poesia (incluyendo “My Edens After Burns”) y a keda nomina pa un album di palabra papia Grammy na 2012 pa “The Mark of Zorro.” E tambe tabata un artista visual y un Cientifico Cristiano henter su vida.

El a sali cu Cher, y a casa y divorcia cu e actriz Joanne Whalley. E ta laga atras nan dos yiu, Mercedes y Jack.

“Mi no tin arepentimento,” Kilmer a conta AP na 2021. “Mi a mira y experiencia milager.”



Yiunan di Tony Benett a entrega demanda nobo contra ruman homber



(AP) - Tony Bennett su dos yiu muhe a entrega un demanda nobo contra nan ruman homber, acusando cu el a enrikece ilegalmente contra deseo di nan tata ambos prome y despues di e cantante legendario su ayecimento den 2023.

Antonia y johanna Benett a entrega e demanda di-aluna na New York contra D'Andrea "Danny" Benett, ken tabata e manager di nan tata y ta mancha e famia su cuentanan. "Desde fayecimento di Tony, johanna y antonia a descubri cu Danny a eherce control completo y sin supervision di Tony y su finanzas prome cu y despues di su fayecimento via varios rol administrador y otro rol nan di autoridad cu Danny a abusa, y ta sigui abusa, pa su propio beneficio financiero significativo," e demanda ta acusa.

E ta bisa cu Danny Bennett a probecha di nan tata su capacidad disminui den final di su bida a causa di Alzheimer's pa haci acuerdonan di miyones pa su mes y su compania, incluyendo e benta poco prome cu Tony a fayece di su catalogo y su nomber, imagen y derecho di e marca den desaroyo Iconoclast.

E rumannan anteriormente a demanda nan ruman homber den juni buscando reportahe di nan tata su bienes y acusando cu Danny a malversa esaki. E demanda nobo ta acusa cu el a kibra su rol como administrador y ta busca kita su persona como cabes di e famia su bienes.

"E demanda ta otro intento sin base pa distorciona e publico y corte su comprension di Tony Bennett su deseonan claramente stipula," vocero di Danny Bennett a bisa den un declaracion. "Danny a sigui su tata su plannan cu integridad y cuido, y ta desa-

a sostiene durante su bida - y ta sigui sostiene via su estado - desafia Danny su integridad cu acusacionnan sin base y sin substancia."

Danny Benett tabata su tata su manager personal y profesional cu podernan pa haci esaki, e tabata manager di su compania Benedetto Arts y hefe di bienes di e famia segun e demanda.

E demanda nobo ta acusa su persona di a beneficia di

"transaccionnan cu interes propio, excesivo y comision cu e no a gana," ademas di "prestamo substancial y regalonan na su mes y su yiunan" cu a disminui bienes cu tony Bennett su testamentta bisa pa su 4 yiunan parti di manera igual.

Otro ruman homber, Daegal "Dae" Bennett y Tony su viuda, Susan Bennett tambe tabata nombra como demanda den e demanda cu a entrega. E demanda ta bisa cu e ru-

mannan a ricibi un "distribucion modesto so" di 245.000 dollar cada un, cual no ta "cerca di loke nan ta kere nan tin derecho di ricibi."

E rumannan tambe ta acusa cu nan ruman homber a deshaci di cosnan cu tin un gran balor sentimental pa nan den un manera "vengativo" despues cu nan a purba haya un recuento di e bienes den e demanda anterior.

punta pa mira esnan cu Tony

Payment Received!
Get your money back fast, easy, and free with **Sentoo.me**

Getting your money back should be easy.



Skip reminders—no more chasing friends, family, or colleagues



Send a secure payment link via WhatsApp or SMS in seconds



Enjoy the feeling of being repaid instantly

Try Sentoo.me today!



Exitoso Karaoke Festival di Aruba Lions Club

Diasabra 29 di Maart den China Club yen a tuma lugar e di dos festival di Karaoke di Aruba Lions Club. Un total di 26 participante a subi esenario pa asina deleita e publico masha entusiasmo un tremendo show. Temanan na Spaño, Ingles, Papiamentu den genero salsa, merengue, ranchera, balada y mas.

MC di anochi tabata Julissa Boekhoudt cu a sa di anima e anochi aki den gran forma. Show a start unda tur participante a canta Himno di Aruba den forma di Karaoke. Tambe presidente di Aruba Lions Club Sr. Danny Maduro tambe a hiba palabra pa gradici e participantenan pero tambe e publico presente.

Show a cuminsa y un tras di otro cada cantante a subi y deleita e publico: George Winterdaal encarga di e lidera e proyecto aki tambe a hiba palabra y a gradici tur



persona y a prepara tur persona pa un show special. Como Intermission e algun di e propio miembronan di Aruba Lions Club a duna un presentacion den un sublime medley cu a ricibi na final un gran aplauso di e publico. Tambe cantantenan Xennon Daal y Jetsenia Martinus a deleita tur hende cu nan temanan cu a arasa den Carnaval.

Na final e huradonan Nicole, Soledad y Jelise cu conteo di Shemine como Presidente di Hurado a duna e resultado final. Tur participante a ricibi

nan medaya y un Goody Bag di Setar.

Best Dress a bay pa Jessy Gonsalves, Popular a keda pa Jasmin Tromp, Rookie a bai pa Suyenne Dania.

5to lugar a keda Jhonny Gerritsma, 4to lugar a keda Gilberto Boerleider, 3er lugar a keda Julien Dijkhoff, 2do lugar a bay pa Emilia Stein y Ganadora Absoluto a bai pa Olga Tromp.

Na e team organisador Un palabra di pabien, Na tur Lions Member cu a yuda du-



rante e evento y na caminda pa e evento. Danki Danki Danki WE SERVE. Y sigur na tur esnan cu a bay apoya

e cantantenan, sa cu boso aporte pa a cumpra e ticket aki ta bay bek den nos comunidad.

Prome grupo di Best Dad Ever pa aña 2025

'Mara mi tawata sa e importancia di t'ey presente y duna sosten na e mama na momento di embaraso. Ami tawata kere cu djis duna cen ta suficiente'; U tata cu a participa na Best Dad Ever durante un sesion.

E prome grupo di tata pa aña 2025 a participa na Best Dad Ever y a finalisa Best Dad Ever cu un certificado. Best Dad Ever ta un proyecto caminda cu, durante 7 sesion tatanan y futuro tatanan ta traha ariba nan habilidadnan pa ta un mihor tata di locual cu nan ta caba. Best Dad Ever ta stimula e participacion di hende homber den educacion di nan yiunan. E tatanan ta ricibi informacion, conocimiento y tips con nan por ta mas involucra den bida di nan yiu y pakico esaki ta importante. Estudio haci na Aruba na



2012 a muestra cu e relacion entre tata y yiu na Aruba lo ta zwak.

Esaki a pone cu 131 Aruba a laga haci un estudio mas profundo na aña 2016 pa asina aki haya un mihor bista di kico tatanan ta pensa di nan rol den educacion di nan yi-

unan. Un di e resultadonan di e estudio ta cu tatanan kier ta mas involucra den educacion di nan yiunan. Debi na esaki 131 Aruba a crea Best Dad Ever na 2016 y a cuminsa cu implementacion di Best Dad Ever na 2017.

Algun temanan cu ta ser trata



durante e sessionan ta por ehempel: impacto di un tata, planea famia, duna cuida, violencia etcetera. Algun partner cu tambe tawatin un rol importante durante algun di e sessionan ta Famia Planea y partera Stephanie Daal di Amare Midwife.

Pa mas informacion tocante Best Dad Ever por tuma contacto via nos website: 131.aw, Instagram: Instagram: 131aruba, Facebook: <https://www.facebook.com/aruba.131>, email: 131aruba@gmail.com of telefon 5886138/ 5884011.



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Inversor di Bitcoin ta cumpra un vuelo completo di SpaceX pa un aventura polar



(AP) — Un inversor di bitcoin cu a cumpra un vuelo di SpaceX pa su mes y tres explorador polar a lansa den espacio dialuna anochi, den e prome biahe espacial cu ta hiba hende riba e polonan Nort y Sur.

Chun Wang, un empresario naci den China, a bula den orbita for di e Kennedy Space Center di NASA. E raket Falcon di SpaceX a dirigi su mes pazuid riba e Atlantico, poniendo e turistanan espacial riba un ruta cu nunca a ser bula den 64 aña di biahe espacial humano.

Wang no kier bisa cuanto el a paga Elon Musk su SpaceX pa e aventura polar di 3 ½ dia, cual ta considera como “e maximo.” E prome parti di nan biahe — for di Florida te na e Polo Sur — a tuma apenas mey ora. For di e altura destina di mas o menos 440 kilometer, nan capsula completamente automatico lo gira rond di e planeta den mas o menos 1 ½ ora, incluyendo 46 minuut pa pasa for di un polo pa e otro.

“Gosa di e bista di e polonan. Manda nos algun potret,” e centro di lansamento di SpaceX a bisa ora e capsula a yega den orbita.

Wang ya a bishita e e regionnan polar den persona y kier mira nan for di espacio. E biahe ta tambe tocante

“pushando e limitenan, comparti conocimiento,” segun el a bisa prome cu lansamento.

Awor ciudadano di Malta, el a hiba tres invitado: Janicke Mikkelsen, un cineasta Noruego; Rabea Rogge, un investigador Aleman di robotica; y Eric Philips, un guia polar Australiano.

Mikkelsen, e prome Noruego den espacio, ya a bula riba e polonan, pero riba un actitud hopi mas abou. Na 2019, e tabata parti di un mision historico cu a bira e prome avion di jet cu a circula mundo via e dos polonan pa celebra 50 aña desde Neil Armstrong y Buzz Aldrin a pone pia riba e luna. E tripulacion tin plan pa haci 12 experimento — incluyendo tuma e prome X-ray humano den espacio — y nan a hiba mas camara cu normal pa documenta nan aventura cu e nomber Fram2, nombra segun e barco di investigacion polar Noruego di mas cu shen aña pasa.

Te awor, niun biahero espacial no a pasa e latitud di 65 grado norte of sur, net banda di e circulonan Artico y Antartico. E prome muhe den espacio, Valentina Tereshkova di Union Sovietico, a pone e record aki na 1963. Yuri Gagarin, e prome homber den espacio, y otro cosmonautanan pionero tambe a yega cerca, como tambe cu astronautanan di NASA na 1990.

Un orbita polar ta ideal pa satelitanan di clima, cartografia di planeta y spionahe. Esaki ta pasobra e nave por mira tur parti di e mundo diariamente, mientrastanto e ta gira di polo pa polo y e planeta ta gira bou dje.

Geir Klofer, director di e museo Fram na Oslo, Noruega, caminda e barco polar original ta ser exhibi, tin speranza cu e biahe lo trece mas atencion riba cambio climatico y e deretimento di e capanan di ijs. El a presta e tripulacion un pida chikito di e barco su deck di madera cu ta carga e firma di Oscar Wisting, ken hunto cu Roald Amundsen na comienso di siglo pasa a bira e prome pa

yega na ambos polo.

Wang a propone e idea di un vuelonan polar na SpaceX na 2023, dos aña despues cu Jared Isaacman, un otro empresario tecnico Mericano, a haci e prome di dos vuelo charter cu e compania di Musk. Isaacman awor ta riba lista pa e puesto mas halto na NASA.

Kiko Dontchev di SpaceX a bisa siman pasa cu e compania ta sigui mehora nan entrenamiento pa “hendenan normal” sin background aeroespacial tradicional por “drenta den capsula...y keda

trankil.”

Wang y su tripulacion ta mira e vuelonan polar manera un tipo di camping den naturaleza y ta disfruta di e reto. “Biahenan espacial ta birando algo mas comun y, sinceramente, mi ta feliz di mira esey,” Wang a bisa riba X siman pasa.

Wang a bisa cu e ta contando su biahenan desde su prome vuelo den 2002, bulando cu avion, helicopter y globo di aire den su meta pa bishita tur pais. Te awor, el a bishita mas cu mita. El a planea e lansamento pa ta su di mil vuelo.



Ben Yedder ta purba regresa mundo di futbol na Iran despues di suspension di sentencia di prison

(AP) – E ex internacional di Francia, Wissam Ben Yedder, ta purba rebiba su carera na Iran despues di casi un año na banda y un castigo di prison condicional pa agredi un muher sexualmente.

Ben Yedder, cu tabata sin contract, a firma un acuerdo cu cinco biaha campeón Irani Sepahan FC, e club a bisa den un comunicado. Condi-cionnan di nan acuerdo no a ser divulga. E club basa na Isfahan a bisa cu Ben Yedder, un delantero diminutivo cu habilidadnan di cabamento excelente, a haci testnan medico y awor ta wardando su certificado

di transferencia internacional prome cu e por sigui su carera profesional.

Ben Yedder a keda involvi den casonan di corte recientemente. El a ser condena aña pasa despues di a ser acusa di agresion sexual mientras e tabata intoxicado. E corte den e ciudad sur di Nice tambe a impone ariba Ben Yedder un deber pa sigui tratamiento.

E hungador di 34 aña, un delantero prolífico cu a hunga 19 wega y a hinca tres gol pa Francia, a keda deteni brevemente despues a ser libera despues di e incidente den su auto na Riviera Frances. Ben Yedder, kende a haci de-



tox y terapia di alcohol, ta sin un club desde cu su contract cu Monaco a caduca na 2024.

El a hinca 16 gol cu tres asistencia den e liga Frances e temporada pasa pa yuda Monaco termina na di dos lugar

tras di Paris Saint-Germain. Den cinco temporada cu Monaco, el a hinca 118 biaha den 201 aparicion den tur competencia pa bira e di dos hincador di gol mas halto di e club tras di e delantero Argentino retira Delio Onnis (223).

E ultimo 'cap' di Ben Yedder pa e seleccion nacional a bini na juni 2022.

Den un caso legal separa cu ainda ta ser persigui, Ben Yedder a ser entrega acusacionnan preliminar di violacion, intento di violacion y asalto sexual pa motibo di un otro supuesto incidente den sur di Francia.

Ben Yedder, kende tambe a hunga pa Toulouse na Francia y e club Spanio Sevilla di 2016- pa 2019, tambe a ser sentencia na España na 2023, hayando un castigo di prison condicional di seis luna pa fraude fiscal.

Huicio di evasion di impuesto pa coach di Real Madrid, Carlo Ancelotti, ta habri na España

(AP) — E coach di Real Madrid, Carlo Ancelotti, a asisti na e apertura di su huicio ariba acusacionnan di evasion di impuesto na España diaranson.

E manager Italiano sumamente exitoso a pasa dos ora y mey den e edificio di corte na Madrid prome cu el a bisa periodista cu "tur cos ta bon" ora el a subi den un auto. Ancelotti tabata bisti cu un di su trahenan blauw scur cu e ta bisti ora e ta entrena weganan.

Fiscalnan Spanio a acusa Ancelotti di a defrauda e estado di 1 milyon euro na 2014 y 2015. Fiscalnan estatal ta buscando un castigo di prison di te cu cuatro aña y nueve luna riba dos acusacion di fraude fiscal.

Nan a acusa Ancelotti na maart 2024 di a usa companianan pa sconde su ganashi berdadero. Fiscalnan a afirma cu Ancelotti, por ehempel, a usa un compania cu no tabatin "cualquier actividad (economico) real" na Islanan



Virgen como parti di un supuesto plan. Ancelotti a nenga cualkier error prome cu e huicio. El a declara su inocencia ora a acusa su persona pa prome biaha aña pasa, argumentando cu e no tabata un residente fiscal di España durante parti di e tempo ey. Fiscal no ta di acuerdo cu esaki. "Mi a paga e multa caba, e placa ta cerca nan, y awor e abogadonan ta papiando pa purba di haya un solucion," Ancelotti a bisa na maart 2024. "Ban wak kico e hues ta bisa."

Ancelotti, di 65 aña, ta un di e entrenadornan mas exitoso di futbol. El a gana Champions League un cinco biaha, tres

cu Madrid y dos biaha cu AC Milan, y ta e unico tecnico cu a gana titulonnan di Liga domestico na Inglaterra, España, Italia, Alemania y Francia.

El a train Madrid di 2013-15 prome cu el a cuminsa su periodo actual na 2021.

E streanan di futbol den problema cu impuesto
Ancelotti ta e ultimo den un serie di profielnan grandi di futbol pa enfrenta accion di autoridad Spanio a causa di belasting no paga, aunke ningun a ser manda prison te awor.

Na España un hues por suspende un castigo di menos



cu dos aña pa ofensornan di prome biaha.

E ex-entrenador di Madrid, Jose Mourinho, a ricibi un castigo condicional di un aña despues di a yega na un declaracion di culpabilidad pa fraude di impuesto na 2019. E hungadornan estelar Lionel Messi y Cristiano Ronaldo, entre otro, tambe a ser haya culpabel di fraude di impuesto na España. Mescos cu Ancelotti, Mourinho, Ronaldo y Messi tambe a ser acusa di a usa companianan pafo di España pa sconde entrada di derechonnan di imagen. Hopi di esnan acusa di fraude a yega na acuerdonan cu autoridatnan di impuesto y a acepta culpa pa reduci nan

castigo.

Ronaldo a bay di acuerdo pa paga un multa di casi 19 milyon euro (e tempo ey \$21.6 milyon) na 2019, y a haya un castigo condicional di dos aña cu e no mester a sinta.

Messi y su tata a ser haya culpabel di a defrauda autoridatnan fiscal di 4.1 milyon euro (e tempo ey 4.6 milyon dollar) pero tambe a evita un castigo di prison pagando multanan pisa.

E ex-hungador di Madrid Xabi Alonso tabata un di e tiki figuranan di futbol cu a keda husga y a keda absolve di acusacionnan di evasion di impuesto.

Fiscal Spanio ta apela e absolucion di Dani Alves pa condenacion di violacion

(AP) — Fiscal estatal Spanio a bisa diaranson cu nan tin planea di apela e absolucion recién di futbolista Dani Alves pa acusacion di violacion, habriendo e porta pa e caso yega Corte

Supremo di e pais.

E decision a tuma dianan despues cu un corte di apelacion a anula un condenacion pa Alves dicta pa un corte mas abou despues di un hu-

icio aña pasa na Barcelona.

Alves, un ex defensa di Brazil y Barcelona, a pasa 14 luna den prison despues di a ser aresta na december 2022 pa supuestamente a viola un

dama hoben den e baño di un club nocturno di Barcelona.

El a nenga cualkier mal hecho. Alves a ser haya culpabel na februari 2024 y a ser senten-

cia na cuater aña, seis luna di prison.

Awor e caso por yega na un di tres corte si Corte Supremo na Madrid bay di acuerdo pa revisa e decision pa absolv'e.

Flambeu Olimpico di Paris y Corona di Dionisio di e ceremonia di inauguracion na Seine lo ser subasta

(AP) — Flambeau di e Weganan Olimpico di Paris y e corona y krans di Dionisio bisti pa e cantante Philippe Katerine durante e ceremonia di apertura lo ser subasta. Ganashi di e benta lo bay pa gruponan di caridad, organisadornan a bisa.

Un di e flambeunan tabata carga pa un di e misterioso portadornan di flambeau bisti na mascara cu tabata cana riba e daknan di Paris durante e ceremonia na Seine.

Tambe na benta ta hopi di e trahenan usa durante e espectáculo aclama pero cu a pusha frontera, incluyendo e bisti di Marie Antoinette.



E subasta lo tuma lugar dia 13 di april proximo den Stade Charléty na Paris.

Durante e ceremonia, Katerine a aparece sinta riba un tapijt, pinta den polvo blauw

di pia te cabes y aparentemente bisti cu djis blachi y flor. E tabata canalisa Dionisio, e dios Griego di biña y festividad, cu un cantica tocante “e absurdidad di violencia entre sernan humano.”



No ta tur hende, sinembargo, a disfruta di e ceremonia, cual a causa un tormenta di indignacion despues di un escena contencioso cu a conta cu drag queen y otro artistanan.

Varios persona acusa en conexion cu e supuesto intimidacion cybernetico dirigi riba e director artistico di e ceremonia a bay dilanti hues luna pasa den corte di Paris.

Barcelona lo por perde hungador: La Liga ta bisa cu club no ta cumpli cu regla financiero

(AP) — **Barcelona por perde** **playmaker Dani Olmo** y **delantero Pau Víctor** pa e resto di temporada despues cu e liga a bisa ayera cu e club no ta cumpli cu reglanan financiero.

Barcelona a logra registra Olmo y Víctor despues cu e autoridad deportivo di gobièrno a interveni cu un decision provisional contra e de-

cision di e liga y federacion Spaño pa nenga e peticion di e club pasobra el a perde e deadline pa cumpli cu e reglanan financiero.

E liga Spaño a bisa cu a notifica autoridadnan deportivo ariba loke nan ta presumi ta informacion incorrecto manda di Barcelona pa loke ta trata e benta di asientonan VIP den e stadion renoba di Camp Nou, cual tabata cru-

cial pa duna e club e entrada necesario cu lo permiti inclui Olmo y Víctor den e lista.

E liga a bisa cu Barcelona tabata tin tres diferente auditor den e ultimo tres lunanan, y nan a suministra informacion contradictorio pa loke ta e finanzas di e club.

E liga a bisa cu autoridad deportivo di gobièrno tin te cu 7 di april pa duna un decision

final ariba e asunto.

Presidente di Barcelona, Joan Laporta, a bisa cu e acusacionnan ta “un otro intento pa dañe e imagen di e club”.

“Mi tin e sentimento cu esaki no ta un coincidencia”, el a bisa, refiriendo na e noticia cu ta bin riba e dia di e wega di semifinal di Copa del Rey di e team den Atletico Madrid. “E ta un otro intento

pa destabilisa nos ekipo. E ta sinti asina, pasobra nan no por gana nos riba veld, nan ta purba gana nos den e oficinanan.”

No a parce cu e tabata refiriendo específicamente na Atletico.

Barcelona y Atletico a empata 4-4 den nan wega cuarto final di Copa na Barcelona. E club Catalan ta lidera e liga Spaño.

UFC di Dana White y Meta di Mark Zuckerberg lo uni den un partnership

(AP) — **UFC ta uni cu e compania di Facebook, Meta,** den un acuerdo cu lo trece arte marcial mixto pa mas fanatico rond mundo.

E companianan a bisa ayera cu nan asociacion multianual lo duna UFC e habilidad pa usa e plataforma di tecnologia Meta, servicionan y produccionan, incluyendo Meta AI, Meta Glasses, Meta Quest, Facebook, Instagram, WhatsApp y Threads, di manera cu e fanaticonan di UFC tin mas manera pa wak nan contenido.

Meta y UFC, kende nan compania ta TKO Group, a bisa cu nan lo traha hunto pa incorpora e brilnan di AI di Meta den eventonan di UFC.

“Meta tin e mentenan di mas grandi den tecnologia y nan ta bay hiba e compromiso



di fanaticonan na e siguiente nivel,” Presidente y CEO di UFC Dana White a bisa den un declaracion.

White a menciona cu Meta ya caba ta trahando ariba algun innovacion pa un sistema nobo di ranking di bringador. E acuerdo, unda terminonan financiero no a ser divulga, lo mira e marca Meta aparece tambe den e Octagon di UFC, y tambe den numeroso transmision. Meta su plataforma di red social Threads

lo conta cu contenido original exclusivo di UFC.

“Mi ta stima e deporte aki y mi ta ansioso pa traha cu UFC pa laga fanaticonan experiencia esaki na maneranan nobo,” Fundador y CEO di Meta Mark Zuckerberg a bisa.

Zuckerberg ta entrena den arte marcial mixto y a publica cu el a completa su prome torneo di jiu jitsu na 2023. E mesun aña ey, tabatin combersacionnan entre e y CEO di

Tesla Elon Musk pa combati den un “cage match”, pero e evento nunca a sosode.

Zuckerberg y White no ta desconoci pa otro, White a drenta e hunta di director di Meta na januari.

Tanto Zuckerberg como White ta entre e hopi figuranan empresarial di perfil halto dentro di e orbito di presidente Donald Trump. Despues cu Trump a gana eleccion na november, Zuckerberg a come na e club Mar-a-Lago di e presidente eligi na Florida y Meta a haci un donacion di \$1 miyon na e fondo di inauguracion di Trump. Otro companianan di Big Tech manera Amazon a haci donacion di suma similar.

Trump ta un fanatico di UFC pa hopi tempo y ta asisti na peleanan grandi frecuent-

emente. Su lasonan cu White ta data for di 2001, ora White ta hospeda un UFC na e ex-hotel di casino di e Republicano na Atlantic City, New Jersey, e Trump Taj Mahal. Trump tambe a aparece cu White na pelea di UFC durante e añanan cu a pasa, especialmente den su campaña di 2024 como parti di esfuersonan pa atrae votadornan masculino mas hoben.

White tabatin rolnan di orador na e convencion Republicano di 2016, 2020 y 2024 y a aparece ariba escenario na e fiesta di victoria di eleccion di Trump na november.

E accionnan di Meta Platforms Inc. a subi un poco den e comercio di merdia ayera, mientras e accionnan di TKO Group Holdings Inc. a subi mas cu 2 porciento.

Accidente basta fuerte cu hende herida na Piedra Plat

Diamars atardi a drenta informe di un accidente cu hende herida na Piedra Plat, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur di edad a perde control baha caminda dal riba un mata. Debi na e impacto e chauffeur a resulta herida, Na yegada di ambulance mesora a atende na e sitio mes. E auto a keda cu basta daño cu mester a laga tow e.



Accidente pa falta di preferencia banda di rotonde Wayaca

Diamars merdia a drenta informe di un accidente na Wayaca, mesora a dirigi patruya na e sitio. Na yegada a bin constata cu aki ta trata di un accidente pa falta di preferencia.

Aki un Jeep a bay subi caminda pero no a tene cuenta cu e auto pasando dilanti di dje y a dal den banda patras di e auto. Afortunadamente ningun persona a resulta herida y



daño material tabata minimo. Por a nota si cu esaki a causa poco stagnacion di trafico net prome cu e rotonde di Wayaca.



Un Nissan s.u.v. no a duna motociclista preferencia y a dal e bent'e abao!

Diamars mainta a drenta informe di un accidente cu hende herida na Caya ing. Roland H. Lacle, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Nissan s.u.v. no a duna preferencia na un motociclista y a dal e bent'e abao. E motociclista a resulta herida na yegada di e ambulance nan a atende y a



Accidente ora truck di bombero mester a pasa memey di un truck cu un auto riba E.J."Watty" Vos Blvd



Diamars atardi a drenta informe di un accidente dilanti Cmart na E.J. "Watty" Vos Blvd., mesora a dirigi un patruya na e sitio.

Na caminda pa e sitio polis a ser avisa cu e truck a sigui bay pa e emergencia di un candela na Tanki Leendert. Unabes cu bomberonan tabata yegando e sitio a com-

pronde cu e candela ya a termina y e por regresa na e sitio di accidente. Hunto cu polis a bin compronde cu e truck di bombero tabata purbando pasa memey di autonnan cu truck pero debi cu e truck di bombero ta mucho hancha su spiel a dal na e truck y esaki a kita cay kibra. Afortunadamente ningun hende a resulta herida.

Chauffeur a caba di cumpra auto y a bay kibra esaki den un persecucion!



Diamars atardi un patruya kier a para un auto sospechoso pero esaki no kier a para pa polis ya cu e papelnan no ta na ordo pero na dado momento e auto Nissan March aki a bay dal riba e patruya y e mes a baha caminda, perde control y drenta mondi.

Polis mes no por a sigui su

tras pero a logra haya informacion cu el a core drenta un cas na Balashi. Polis a bay na e sitio y a detene e chauffeur. Awor e chauffeur tin extra gasto mirando cu por a compronde cu el a caba di cumpra e auto y no tin papel regla unda e mes a bay laga su mesun auto na werki ademas di ta deteni pa pone bida di polis den peligro y no tabata kier a para y bay for di e sitio.

E encuentro aki lo tin e participacion di Diacono Mi-



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Central : Seroe Preto:
Tel. 585 1965 Tel. 584 4833

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Merca: A haya bacteria riba hostia di comunion na un misa



(AP) - Analistanan di laboratorio ta bisa cu no tin nada milagroso di puntonan cora cu a haya riba hostia di comunion na un misa Catolico den Indiana.

E descubrimiento na St. Anthony Padua Catholic Church na Morris no tabata usual pa un inspeccion formal, segun Arsodiocese di Indianapolis a bisa. Sinembargo un analisis biokimico a revela cu “solamente beskem di 3 diferente especie di bacteria, tur cual ta haya componente aiba mannan di ser humano,” tabata riba e hostia, segun e arsodiocese a bisa dialuna, agregando cu e no tabata sanger.

E fe Catolico ta siña cu bina y e hostia ta simbolisa e curpa y sanger di Jesucristo. Tipicamente, nan ta consagra pa un pastor durante Misa.

E hostia, of pan, cu marcanan corta a cay for di kit pa misa na St. Anthony Church.

“Durante e historia di misa Catolico, a documenta milagro y aparicionnan y a analisa y evalua cada un di nan cautelosamente,” e arsodiocese a comparti. Prome cu e anali-



sis, algun miembro di St. Anthony church tabata emocionado pa loke por a haya.

“Nos ta un pueblo asina chikito. Bo por bay door di

e pueblo den un habri y cera di wowo,” Shari Strassell, miembro di e misa a conta WKRC-TV. “E ta nifica hopi, si, y mi ta kere cu tin algo special di nos misa.”

Pronostico di tempo

Tempo:

Awe nochi: levemente te parcialmente nubia y generalmente seco
Den marduga y mañan: parcialmente nubia sin awasero di importancia

Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
Uv index: 12

Bahada di solo : 6:51pm
Subida di solo : 6:35am

Biento:

Moderate te basta fuerte for di direccion oost; forza 4 te 5 (20 te 39 km/ora, 11 te 21 nudo)
Den di dia fuerte te posiblemente duro den rafaga; forza 6 te 7 (40 te 61 km/ora, 22 te 33 nudo)



Situacion general di tempo:

No ta spera mucho cambio den e tipo di weer cu tin actualmente. Pa e motibo aki no ta spera awacero di importancia.

Condicionan maritimo/ estado di lama:

Na partinan proteje di costa: ketu, rond di 1 pia.
Na partinan zuid: modera 2 pa localmente 3 pia.
Na partinan oost te noordwest di costa: modera te localmente bruto cu olanan di 4 pa 7, localmente 8 te 9 pia.

TA BUSCA
The Body Magic Palace Estetic
ta busca
Manicurista
Por yama na
Tel. 568 5513

219154

TA BENDE

Un Urvan Van Diesel
di 14 pasajero 2023
pa 46.500 y
un Hi Hyundai 2016
gasoline automatic
di 12 pasajero bon cuida.
Pa 24.500
mas info 585-9870

Aurora

Royal Pray

Funeral Home & Crematory

Mi no a muri.
Ta pesey mi no a bisa ayo.
Mi a djies habri mi halanan y bula bai keiro.
Boso a keda atras.
No laga tristesa domina boso.
Keda uni un cu otro pa mi alma,
esey lo ta un alegria.
Recorda mi cu hopi amor.



Balvina Laclé Sanabria

Sunrise: 03/18/1943

Sunset: 03/28/2025

Esposo: † Fabio Alejandro Laclé

Yiunan: Fabiola Dixon-Laclé y Gregg Dixon
Alvin Laclé y Johrainne Laclé-Giron

Nieta(o)nan: Alexandra Dixon, Gabriella Dixon, †Emmanuel Dixon, Jobriël Laclé y Nivlainne Laclé

Su subrina stima na Aruba:

Patricia y Juan Jansen

Tur su rumannan, swa y cuñanan, primo, primanan, subrino, subrinanan, ihanan y demás famia na Colombia, Aruba y tur otro parti di mundo.

Amistadnan y bisiñanan.

Ta invita tur famia y amigonan pa **acto di condolencia y entierro** ariba diasabra 5 di April 2025 di 9.00 am pa 11.00 am na Misa Santa Filomena na Paradera.

Sigui pa un respons y despues lo sali pa santana na Sabana Basora.

Danki na Wilhelmina Kanker Fonds pa nan support. Lo tin un box disponibel pa donacion pa Wilhelmina Kankerfonds.

Nos ta pidi disculpa si nos por a lubida un of otro persona of famia den nos momento di tristesa.

Nos disculpa cu nos no por ricibi bishita di condolencia despues di entierro na cas.

Aurora

Royal Pray

Funeral Home & Crematory

“Ik heb van het leven genoten, maar mijn reis is ten einde.”
Wij danken de Heer voor al de jaren die hij hem geschonken heeft.
“Zoals de hemelen hoger zijn dan de aarde, zo zijn mijn wegen hoger dan uwe wegen en mijn gedachten dan uw gedachten”. Jesaja 55:9

Met diep leedwezen maken wij het overlijden bekend van onze dierbare vader, grootvader, overgrootvader, broer, en oom:



André Arnoud Herts

*30 januari 1946 – †30 maart 2025

Names zijn kinderen:

Henry André Herts, “Boyke” en echtgenoot José en familie
Andrea Herts

Ex vrouw en moeder van zijn kinderen:

Norma Gumbs

Kleinkinderen:

Samuel Herts en echtgenoot Tjalls en familie
Nikki Herts

Achterkleinkind: Liva Herts

Broers en Zussen:

Louise Todd – Herts en echtgenoot Ramon en familie
Yvonne Herts en familie
Olga Herts
Wilma Herts en familie
Franklin Herts en familie
Maria Herts en familie
Iwan “Honey” Herts en echtgenote Carlota en familie
Gerdientje Woods-Herts en echtgenoot Christopher en familie
Hetty Herts

Neven en nichten.

Familieleden:

Herts, Rijgersberg, Çelik, Doelwijt, Telting, Helder, Hooghart, van Engel, Blackman, Smit, Todd, Vrutaal, Woods, Woodley, Gumbs, Romney, Leissius, Cornes, Oedit, Wellington-Blackman, Hooghart-Nicolina, Cyril/August Lou, Starke, van Varseveld.

Buren van Pos Chiquito en Dakota en vrienden van Asia Sranang, Mangel Halto, Palmita.

Er is gelegenheid om persoonlijk afscheid van André te nemen, op maandag 7 april, 2025, van 2pm tot 4pm in Aurora Funeral Home te Cumana #76. De crematie vindt in besloten kring plaats.

Onze welgemeende excuses als wij in ons verdriet vergeten zijn familieleden of vrienden te noemen. Helaas kunnen wij na de uitvaartdienst geen condoleances meer in ontvangst nemen.

Aurora

Royal Pray

Funeral Home & Crematory

Señor ta mi wardador, mi’n tin falta di nada. Den cunucu di yerba berde e ta pone mi sosega.
E ta hibami na awa trankil. Pa mi bolbe haña forsa.
Salmo 23

Cu duele na nos curason, pero agradecido pa e bida largo cu Señor a dune, nos ta participa fayecimento di nos mama, nos machi stima:



Sra. Vuida Bernardina Croes-Kelly

Mihor conoci como Tina, Machi Tina, Tan Tina, Dina

Na e bunita edad di 95 aña

Na number di su yiunan:

Dominico “Ovi” Croes y Adelaida Erasmus y famia
Rudolfo “Ronny” Croes
Lufriido “Frido” Croes y Lidia Croes-Leest
†Rolando Croes

Su nieto- y nietanan stima:

Ryan Croes y Cindia Peña
Dr. Kenneth Croes
Lydianne y Audrey Croes-Kan
Tamalis Croes
Lucas Croes
Ethan Croes

Su 3 bisanieto/bisanieta hopi stima:

Zxennon Croes
Taniyah Croes
Anthwang Croes

Tur su rumannan defunto den feliz memoria y nan distinguido famia

Tur subrino- y subrinanan y su ihanan

Un danki special na su ayudante cu a cuide cu hopi amor y cariño Laurie Wever-Rodriquez y su esposo Gilbert Wever, Charity Kock cu a dune hopi cuido cu hopi amor y cariño, zusternan di Wit Gele Kruis y su doctor di cas Dr. Fernandes

Su amiganan di cas manera famia:

Juanita y Rubira Roys
Elimina “Negra” Atencio-Romero, Lucia Marquez-Werleman y Swinda Sevinger

Famianan: Croes, Kelly, Boekhoudt, Leest, de Mey, Feliciano, Erasmus, Peña, Kan, Kock, Roys demas famia

Ta invita tur amistadnan, bisiñanan, conocinan pa asisti na e **acto di despedida y entierro** cu lo tuma lugar:

Diabierna 4 april 2025
Na Aurora Funeral Home
Ora 2:00-4:00 pm

Despues di respons ta sali pa Santana Catolico na Paradera

Nos machi stimá: Danki pa tur cos cu machi a haci y significa pa nos. Awor ta momento pa sosegá dushi den braza di Señor

Nos kier a pidi disculpa si nos por a lubida un of otro familia den nos tristeza.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23



Jacobo Feliz Winklaar

Mihor conoci como: “Coco” of “Papito”
*23-08-1934 - †29-03-2025

Mayornan:

†Juan Canicio Winklaar y †Monica Winklaar-Kock
Esposa: Anna Winklaar-v/d Biezen

Yiunan:

Greta Winklaar y famia
Victor Winklaar y esposa Edalinda Winklaar-Maduro y famia
Vera Winklaar y famia
Grena Gamez-Winklaar y esposo Leonardo Gamez y famia

Nieto(a)nan: Evelyn Kock y famia, Derwin Kock, Merelyn Kock y famia, Veralis Cabrera y famia, Minguel Cabrera y famia, Daniela Cabrera y famia, Susan Adriana Cabrera y famia, Samuel Winklaar, Vickmar Winklaar y famia, Ismar Winklaar y famia, Michelline Yarzagaray y famia, Michel Yarzagaray y famia

Rumannan:

†Palmira Chayadi-Winklaar y †Freddy Chayadi y famia
†Frederick Winklaar y †Aura Winklaar
†Andres Winklaar y famia
†Pricila (Chila) Winklaar y famia
†Donicio Winklaar
†Rufo Winklaar y Synthia Winklaar-Green y famia
Pedro Winklaar y famia
Juanita (Ninita) Winklaar y famia
†Teresita Winklaar y famia
†Florencio (Indo) Winklaar y famia

Cuñanan:

Maxima v/d Biezen y famia
Adela Dijkhoff-v/d Biezen y Seferiano (Chani) Dijkhoff y famia
Jossy v/d Biezen y Angela v/d Biezen-Hasseth
Juan y Mena v/d Biezen
†Rafael (Fai) v/d Biezen y †Ninita v/d Biezen-Henriquez y famia
†Simon (Chomon) v/d Biezen y Sarita v/d Biezen
†Presentashon (Shonshon) Kelly-v/d Biezen y Tony Kelly y famia
†Jacintha v/d Biezen y famia

Swanan:

†Gabriel v/d Biezen y famia
†Serapio v/d Biezen y famia

Iha: Jacqueline (Jacqui) Winklaar, Giellermo (Gie) Valentien

Demas famia: Winklaar, v/d Biezen, Kock, Donata, Werleman, Gamez, Dijkhoff, Kelly, Goeloe, Nectar, Green, Need, Yarzagaray, Cabrera, Hoeksma, Valentien, Angela, Frans, Leon, Ramirez, Gonzalez, Koc, Angela, Martinez, Quandus, Goons, Trenidad, Ortiz, Gomez, Chayadi, Lugo, Croes, Bloeciman, Adriana, Cecilia, Van Stralen

Nos disculpa si den nos tristeza por a lubida algun famia, amigo of conocer.

Ta invita demas famia, amigo- y conocirnan, ex-trahadornan di LAGO, Watty Construction y Aruba Painting pa asisti na acto di entierro cu lo tuma lugar diabierna 4 di April 2025 na misa Santa Filomena di 2:00 pa 4:00 pm y despues lo sali pa Santana Pastoor Kraanwinkel na Paradera

Un gradicimento ta bay Junaica Donata di Cuido Healthcare y Gidean y Coleta di Alphahulp.

Aurora

Royal Pray

Funeral Home & Crematory



Mevrouw Jantje Huberta Kennedy – de Snaijer

Weduwe van Dr. B. Kennedy

Geboren op 7 Augustus 1926, Amsterdam – Overleden op 30 Maart 2025, Aruba

Zij was een geliefde moeder, grootmoeder, en dierbare voor velen.

In alle rust is zij van ons heengegaan.

Kinderen:

Dr.Kees en Felicia Kennedy - Maer Heleen en Matt Zagoren - Kennedy
Dr. John Kennedy en Jana Ridley

Kleinkinderen:

Kiara, Quirine, en Ian Kennedy
Daniel, Eliana, en Adam Zagoren
Michael Kennedy

Overige Familieleden:

De Snaijer, Kennedy, Maer, Zagoren, Van de Kaaij.

Vrienden en kennissen.

Onze bijzondere dank gaat uit naar de behandelende artsen en het medisch team voor hun zorg en toewijding: Dr. Samuels, Dr. Marcel Ho Kang You, Dr Badloe, Dr. Nienke Smit, Dr. Mungra, Dr. Lampe, Dr. Howard van Niel, Dr. Nyamae, Dr. Claudia Samy , Dr. Hugo v. Trigt, VK. Yourraine Halabi en Mevrouw Maribel Ortega, Lorena Barrios, Carolina Rodriguez, Sonia Quiroga.

Gelegenheid tot het nemen van afscheid en condoleren. vindt plaats op DONDERDAG 3 APRIL 2025, van 1:00pm – 4:00pm, ROYAL FUNERAL HOME.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23



Nos ta anuncia fayecimento di:

Maria Krozendijk

*13-12-1926 - †27-03-2025

Acto di entierro lo wordo anuncia despues.

Aurora

Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu inmenso dolor na nos curason, pero conforme cu boluntad di Dios, nos ta anuncia morto inespera di nos tata, welo, ruman, omo y amigo stima:



William Israel Richardson

mihor conoci como "Touchin"
*23 Mei 1948 - † 30 Maart 2025

Na number di su yiunan cu el a stima:

Marc & Geraldine Richardson
William Alexander Richardson

Manera yiu:

Jo-Anne Jacopucci & Juan David Panneflek

Mama di su yiunan: †Yolanda Jacopucci

Nieto cu ela stima: Me-Shaq Richardson

Manera nieta/o: Ilaijah, Andreina, Thalia, Tashainna, Danison, Derickson

Rumanan:

† Roy Richardson
Nelson Richardson
† Clothilda Richardson
Alberto (Buchito) Richardson
Paulino (Plons) Richardson
† Lilian Richardson
Edmundo (Mundo) Marlin
† Mc Kenley (Mikito) Richardson

Sobrinonan: Astrid Richardson, Marisol Perez, Cynara Ruiz, Melissa van Empel, Joshua Glasser, Vanessa Glasser, Kimberly Canlar, † Bryon Richardson, Kyle Richardson, Minerva Marlin, Lianne Marlin, Shurman Marlin, Traemaine Marlin y Junaily Richardson

Amigoruman: Carlos Dania

Su amiga stima: Maira Cabrera y famia

Su bon amigonan serca: Bubu Arends, Adri de Palm, Winzo Nobrega, Andre Loonstra, Bracho Eman, Ven Eman, Godlieb Eman, Tatay Nel Orman, Dito de Hasseth, Esme Werleman, Indio Kelkboom, Robby Feliciano

Demas famia: Richardson, Maduro, Philips, Busby, Jacopucci, Perez, Ruiz, van Empel, Glasser, Canlar, Jones, Marlin, Abraham y demas famia ta invita tur amigo y conocirnan na **acto di entierro** cu lo tuma lugar diasabra 05 April, 2025 di 11:30am pa 1:30pm na Catedral – San Francisco y despues pa Santana na Sabana Basora

Nos disculpa si den nos tristesa nos por a lubida cualkier famia.

Nos ta lamenta cu despues di entierro nos no ta ricibi bishita na cas.

China a conduci entrenamento militar riba Canal di Taiwan

(AP)—China a sigui cu su entrenamento militar rond di Taiwan pa un di dos dia ayera, cu enfoca riba e Canal di Taiwan— un canal importante pa comercio internacional cu ta separa e isla democracia independiente di China.

E entrenamento “Strait Thunder-2025A” a tuma luga den e parti medio y sur di e canal, segun un vocero di e Ehercito di Liberacion Popular di China. E milicia di Taiwan a bisa cu nan ta sigui di cerca e entrenamento, pero no tabatin nada fuera di normal riba e isla cu tin 23 milyon habitante y cu China ta reclama como su territorio.

E entrenamento ta enfoca riba “temanan manera identificacion y verificacion, advertencia y expulsion, y intercepcion y detencion, pa pone na prueba e capacidadnan di e trupanen pa regula y controla e area, pa blokeo conhunto, y pa ataca cu precision riba obhetivonan clave,” segun Shi Yi, vocero di e Comando di Teatro di Oriente, riba un cuenta di e plataforma di red social Weibo di e Ministerio di Defensa di China.

Shi despues a anuncia riba e mesun cuenta cu e entrenamento a caba despues di logra tur su obhetivo, pero cu “e trupanen di e comando ta keda alerta na tur momento, y lo sigui fortalece su preparacion pa combati cu entrenamento intensivo, pa



definitivamente para cualkier actividad separatista cu ta purba logra ‘independencia pa Taiwan.’”

Taiwan a reporta cu 76 avion militar y 19 barco di armada a drenta e awa y espacio aereo cerca di e isla, unda 37 di e avionnan a crusa e linea central den e Canal di Taiwan cu ta 160 kilometer di hanchu — un frontera no-oficial cu China ta rechasa di reconoce.

Grupo di carrier pa avion “Shandong” di China tambe a drenta den e zona di identificacion di defensa aereo di Taiwan — un area auto-defini cu e milicia ta rastrea.

Shi a bisa cu Shandong a uni cu e entrenamento di ayera den coordinacion cu e unidad naval y area den e Ocean Pacifico, na banda este di Taiwan. E entrenamento a enfoca riba logra superioridad

area den e area y evalua e capacidadnan di e forsanen pa integra operacionnan “dentro y fuera di e cadena di islanan,” segun Shi, refiriendo na e serie di islanan mas cerca di China manera Filipinas, Taiwan, Okinawa y e parti sur di Hapon.

Beijing ta mandando avionnan di guerra y barconan di marina tur dia den direccion di e isla, y den e ultimo añanan a amplia e tamaño y frecuencia di e entrenamentonan. Oficialnan Taiwanese ta adverti recientemente cu China por lansa un atake sorpresa bao di e excuus di entrenamento militar.

Barconan di wardacosta Chines tambe ta operando rond di grupo di islanan cu Taiwan tin, na banda este di costa Chines, unda nan ta ser rastrea pa wardacosta Taiwanese na un ratio di dos

of tres barco pa cada un di China, segun Hsieh Ching-Chin, subdirector general di e wardacosta di Taiwan.

“Tocante e entrenamento militar aki, mi ta kere cu China ta usando un tactica di menasa y intimidacion. Nan a cambia unilateralmente e paz y estabilidad,” Hsieh a bisa. “E situacion aki no solamente ta viola ley internacional, sino tambe ta pone riesgo riba e seguridad di barconan cu ta pasa riba e lama.”

E Canal di Taiwan ta parti di awa internacional, pero China ta vigilando e constantemente y ta protesta fuertemente contra presencia di barconan naval Mericano y di otro paisnan stranhero den e area.

Cualkier conflicto por atrae Merca, cual tin un serie di aliansa den e region, ta sumi-

nistra Taiwan cu arma di alta tecnologia, y ta legalmente obliga pa responde na menasanan contra e isla. “Un bes mas, e actividadnan militar agresivo y retorica di China contra Taiwan ta solamente yuda pa aumenta tension y pone e seguridad di e region y prosperidad mundial na riesgo,” vocero di e Departamento di Estado Mericano Tammy Bruce a bisa.

“Den cara di e tacticanan di intimidacion y comportamiento destabilizador di China, e compromiso duradero di Merca cu nos aliadonan y partnernan — incluyendo Taiwan — ta keda firme,” Bruce a agrega den un declaracion.

Taiwan a forma un grupo central pa monitorea e entrenamentonan recien, segun minister di Defensa di Taiwan, Wellington Koo.

E Oficina di Asunto di Taiwan na China a bisa cu e entrenamentonan tabatin como blanco Lai Ching-te, presidente fuertemente pro-independencia di Taiwan. Encuestanan ta muestra cu mayoria habitante di e isla ta rechasa e gobernacion di China y ta sostene su estado actual di independencia.

Taiwan y China a separa 76 aña pasa durante un guerra civil, pero tension a crece desde 2016, ora cu China a corta casi tur contacto cu Taipei.

Guinea ta pone fecha den september pa un referendum clave cu por lansa un regreso na democracia

(AP)—E junta militar di Guinea a pone dia 21 di september como e fecha pa un referendum constitucional cu lo pone e pais west Africano riba ruta pa un regreso na gobernacion democractico mas cu tres aña despues di experencia un rebelion.

Guinea ta un di varios pais West Africano unda ehercitanan a conduci un rebelion y a retrasa un regreso na gobernacion civil. Guinea actualmente ta bao gobernacion di un charter militar cu ta sirbi e periodo transicional despues di e suspension di e constitucion como resultado di e rebelion.

Lider di junta Col. Mamadi Doumbouya, den poder des-



de 2021, inicialmente a pone dia 31 di december como e

deadline pa lansa un transicion democratico. Sinembargo,

el a perde e deadline aki, cual a causa protesta y critica

for di activistanan y figuranan den oposicion.

Bao presion creciente, Doumbouya a priminti den su mensahe di Aña Nobo cu e lo firma un decreto pa e referenfum constitucional. Autoridadnan tambe a bisa cu tur eleccion lo tuma luga e aña aki, sin comete na un fecha en particular.

Activistanan y gruponan den oposicion a acusa e lider di junta di detene criticonan, incluyendo reporteronan, riba cargonan falso den loke gruponan di derecho humano a describi como un abordamento riba derecho civil pa fortalece su poder y prolonga gobernacion militar.

**SKIP THE LINE
BAN
ONLINE**

**Y GANA AFL. 250
TUR LUNA!***

**Pa mas informacion bishita www.setar.aw/disclaimer*

SETAR

Un Europa cuidadoso ta warda pa Rubio cu futuro di NATO riba liña

(AP)—Secretario di Estado Mericano Marco Rubio ta biaha e siman aki pa un reunion di diplomaatnan halto di paisnan den NATO y ta sigur pa encontra aliadonan cu ta alarma, frustra y confundi pa e deseo di e administracion di Trump pa reestablece relacion cu Rusia den su atakenan retorico riba partnernan transatlantico.

Aliadonan ta profundamente preocupa pa e preparacion di Trump pa tin un relacion mas cerca cu presidente Ruso Vladimir Putin, ken ta mira NATO como un menasa, memey un esfuerso Mericano pa media un alto-el-fuego den Ucrania. Comentarionan recien for di e Cas Blanco y insultonan dirigi riba aliadonan di NATO Canada y Dinamarca—como tambe e aliansa militar mes—a solamente aumenta e angustia, specialmente mientras e tarifanan nobo di Merca ta tumando efecto contra amigo y enemigonan.

Rubio ta yega na Bruselas awe pa dos dia di reunion cu



su equivalentenan di NATO y oficialnan Europeo, y e por anticipa di ser confronta cu preguntanan tocante e rol di Merca den e aliansa.

Pa 75 aña, NATO tabata ancora riba liderazgo Mericano, y basa riba loke nan a mira y tende desde cu Trump a tuma e oficina presidencial atrobe na januari, oficialnan Eu-

ropeo a expresa preocupacion cu Trump por caba cu tur esaki ora e y otro lidernan di NATO reuni pa un cumbre na juni na Hulanda.

Rubio por sigura aliadonan?

Manera Rubio a haci luna pasa durante un reunion cu ministernan di Asunto Exterior for di e Grupo di 7 de-

mocracianan industrialisa, e diplomaat halto di Merca, ken ta considera pa hopi den exterior como un miembro mas pragmatico di e administracion di Trump, por salba un consensus di grupo mina riba e guerra den Ucrania.

Esey ta hasta mientras Trump a bisa e siman aki cu Ucrania “nunca ta bay na un miembro di NATO” a pesar cu lidernan a declara durante e cumbre di aña pasa cu e pais tabata riba un ruta “irreversible” pa uni e bloc.

Pero Rubio lo ser presiona pa splica e atakenan verbal di Washington riba aliadonan di NATO Canada, cual Trump ta bisa e kier declara como e di 51 estado Mericano, y Dinamarca, di ken su teritorio Groenlandia el a bisa Merca mester anexa. Ambos a ser acusa di “mal aliadonan” pa Trump y vice-presidente JD Vance.

“Ta hopi claro cu ningun teritorio tin interes pa uni cu Merca bao Trump,” segun Ian Kelly, un embahador Mericano pa Georgia durante

e administracion di Obama y e prome di Trump y awor un profesor di estudio internacional na Northwestern University na Evanston, Illinois.

“Ta bay tin hopi Europeo ansha tocante pa loke Trump ta bay yama y ki anuncio e ta bay haci,” el a bisa. “Si e no ta caba, Rubio lo mester bay purba sigura aliadonan Europeo cu nos no ta, de hecho, desconfiable.”

Asina mes, den apenas dos luna, NATO a ser sacudi, desafia mas y mas pa Rusia y e guerra mas grandi den Europa desde 1945 for di afo, y pa e administracion di Trump di paden, kibrando decadas di liderazgo Mericano relativamente predicible.

Trump a keha consistentemente tocante e miembronan di NATO nan gastamento riba defensa y a hasta trece duda tocante e compromiso di Merca pa defensa mutuo den e trato di a aliansa, cual ta bisa cu un atake riba un miembro di NATO ta considera como un atake riba tur.